

გილოცავთ

შობა-ახალ


წელს!



თერჯოლა

Facebook გაზეთი თერჯოლა
www.nplg.gov.ge
www.terjola.gov.ge

საზოგადოებრივი გაზეთი • გამოდის 1933 წლიდან • №1-2 (7101) 12 იანვარი 2024 წელი



ქ. თერჯოლა,
ცენტრალური
ნაძვის ხე,
30
დეკემბერი,
23:00 სთ.
2023 წელი

ქრისტესმიერი სიყვარულით გილოცავთ, საქართველოს მართლმადიდებელი ეკლესიის ყოველ წევრო, ქრისტეშობასა და ახალი წლის შემობრძანებას

2024 წლის წინ აღსრულდა ქვეყნიერების მხსნელის შესახებ წმინდა ესაიას წინასწარმეტყველება—„აჰა, მუცლად იღებს ქალწული და შობს ძეს, და უწოდებს სახელად ემანუელს.“

ჩემო სულიერო შვილებო, გულითადად გილოცავთ ამ დიდებულ დღეს, ბეთლემის ბაგა ყოფილიყოს თითოეული ჩვენგანის გული და შობილიყოს მხსნელი, უფალი ჩვენი, იესო ქრისტე.

ეს წელი ყოფილიყოს მშვიდობის, მიმტევებლობის, სიყვარულის, ერის გამრავლების, ცოდვების მიტევებისა და ერთიანობის წელიწადი.

ჭეშმარიტად ბედნიერი ვართ, რომ ჩვენ სულიერი თანახიარი გავხდით ერთი გამოუთქმელი ამ სასწაულისა, თუმცა ღვთის დიდებას სრულიად ვერასდროს შეიძლება ადამიანური გონება და ვერც იესო ქრისტეს ღვანლს გააცნობიერებს. იესო ქრისტეს მონყალებით, ღვთისმშობლოს მეოხებით, ღმერთმა ბედნიერი შობა-ახალი წელიწადი მათთვის თითოეულ თქვენთაგანს, სრულიად საქართველოს და მთელს მსოფლიოს აწინააღმდეგოს!



გიორგი (შალაგაბერიძე),
მიტროპოლიტი ტყიბულისა და თერჯოლისა

ალილო თერჯოლაში

ეს მასშტაბური საღვთისმშობლის დღის აღნიშვნა, რომელიც პირველად გაიმართა თერჯოლაში, მუნიციპალიტეტის თვითმართვლობის და თერჯოლისა და ტყიბულის ეპარქიის თაოსნობით მოეწყო.

შობის მახარებლებმა, 7 იანვარს, „ჭაბუკების“ წმინდა გიორგის სახელობის საკათედრო ტაძრიდან დაიწყეს საზეიმო სვლა და რამდენიმე საათში ქალაქის ყველა ადგილი მოიცვეს.

ალილოს მსვლელობაში აქტიურად იყო ჩართული მუნიციპალიტეტის ყველა საგანმანათლებლო დაწესებულება, ადმინისტრაციული ერთეულები, ა(ა)იპების წარმომადგენლები და ქალაქში არსებული სხვადასხვა ორგანიზაციები.

„ალილო 2024“ დღის ბოლოს ქალაქის ცენტრში მდებარე ღვთისმშობლის ხარების სახელობის ტაძართან დასრულდა, სადაც თერჯოლა-ტყიბულის მიტროპოლიტმა მეუფე გიორგიმ, თერჯოლის მუნიციპალიტეტის მერმა მანუჩარ რო-

ბაქიძემ, საკრებულოს თავმჯდომარე გიორგი ბარათაშვილმა, მღვდელმსახურებმა ღმერთისა და მოყვასის სიყვარულით, ქვეყნისა და სარწმუნოების ერთგულებით გაჯერებული სიტყვებით მიმართეს ალილოს საზეიმო მსვლელობის მონაწილეებს. კიდევ ერთხელ მიულოცეს თერჯოლის მოსახლეობას და სრულიად საქართველოს შობის დღესასწაული და მადლობა გადაუხადეს მათ ალილოში აქტიური ჩართულობისათვის.

საზვასამელია, რომ შეგროვილი ნობათების დარიცხვა იმ დღესვე დაიწყო.

მართალია, ქრისტეშობის დღესასწაულისადმი მიძღვნილი ალილო, სახალხო საზეიმო მსვლელობის და შეჭირვებულთათვის საჩუქრების შეგროვების ფორმით, პირველად ჩატარდა თერჯოლაში, მაგრამ მისი მასშტაბებით და ორგანიზებულობით იგი უდავოდ დაიმკვიდრებს ადგილს, როგორც საშობაო-საახალწლო დღეების ერთერთი უმთავრესი ღონისძიება.



გვილოცავენ, ვულოცავთ!

ძვირფასო მეგობრებო!

უპირველესად მინდა მოგილოცოთ საქართველოსთვის ევროკავშირის კანდიდატი ქვეყნის სტატუსის მიწიჭება... ქართველი ერის საუკუნოვანი ნება-სურვილი სრულდება...



ევროპის თავისუფალ ერთა ოჯახში ჩვენი განვითარების პროცესმა შეუქცევადი სახე მიიღო... სწორედ ამ მიღწევის ფონზე, მინდა მოგილოცოთ შობა-ახალი წელი!

მნამს, 2024 წელი იქნება ქვეყნის სუვერენიტეტის განმტკიცების, ეკონომიკური წინსვლის, ჩვენი კულტურის, სარწმუნოების და ტრადიციების აღორძინების, ხელისუფლებისა და ხალხის ერთიანობის, თითოეული ქართველის უმთავრესი ოცნებისა და მიზნისკენ—ერთიანი, თავისუფალი და ძლიერი საქართველოსკენ წინსვლის წელიწადი!

2023 წელი გამოწვევებით იყო სავსე, თუმცა საქართველოს მოსახლეობის უდიდესი მხარდაჭერითა და ეროვნული პოლიტიკის გატარებით, ჩვენ მშვიდობიანად გადავლახეთ ყველა წინააღმდეგობა და დაბრკოლება. განვლო წლის შეჯამებისას მოტივაცია იგივეა—კიდევ უფრო მეტი შედეგებით უნდა გავაგრძელოთ ეროვნული პოლიტიკის გატარება და ზრუნვა ჩვენი მოსახლეობის კეთილდღეობაზე.

გისურვებთ ყოველივე საუკეთესოს, სიყვარულს, ბედნიერებას, სიუხვებასა და ჯანმრთელობას!

გიორგი ნაჭაძე,
საქართველოს პარლამენტის წევრი

კეთილდღეობა და მშვიდობა მოეტანოს 2024 წელს ჩვენი ოჯახებისა და სრულიად საქართველოსთვის!

იმერეთი უძველესი კულტურის მქონე მხარეა. კულტურული ძეგლებითა და ბუნების მრავალფეროვნებით შემკული რეგიონი წლიდან-წლამდე ვითარდება და გვიქმნის საინტერესო გარემოს, ამავედროულად, ღირსეულად პასუხობს გამოწვევებს და განვითარების ახალ ეტაპებზე აგრძელებს სვლას.

2023 წელს იმერეთში ნახევარ მილიარდზე მეტი ღირებულების 2245 პროექტი განხორციელდა, მათ შორის ყველაზე მასშტაბურია სახელმწიფო მნიშვნელობის, რიკითის ახალი მავის-ტრალური, 27 კმ-იანი გზა. ასევე აღსანიშნავია, პროგრამა „განახლებული რეგიონების“ ფარგლებში იმერეთის თორმეტივე მუნიციპალიტეტში განხორციელებული ურბანული პროექტები. ეს პროექსი გრძელდება და სახელმწიფო პროგრამის—„ქალაქებისა და კურორტების განვითარების“ ფარგლებში, ისევ იგეგმება მომავალი მსხვილი პროექტების დაფინანსება.

გარდა ამისა, ევროკავშირის ფინანსური დახმარებით, ბოლო პერიოდში, იმერეთში 70 მილიონამდე ღირებულების სამშენებლო - სარეაბილიტაციო სამუშაოები ჩატარდა და პროექტები მომავალ

წელსაც გაგრძელდება.

იმერეთს საინტერესო ტურისტული პოტენციალი და საინვესტიციო გარემო აქვს. ჩვენი მხარე მდიდარია თერმული წყლებით. გვაქვს 33 ასეთი საბადო და სწორედ ამ უნიკალურობამ მოგვცა შესაძლებლობა 2024 წელს ევროპის ისტორიული თერმული ქალაქების ასოციაციის გენერალურ ასამბლეას ვუმასპინძლოთ.

იმერეთი ასევე კარგად პოზიციონირებს სოფლის მეურნეობის განვითარების მიმართულებითაც. ბოლო პერიოდში განსაკუთრებით პრიორიტეტული მევენახეობა-მეღვინეობაა. რეგიონი ღირსეულად აგრძელებს ამ დარგის 8000-წლიან უწყვეტ ტრადიციას.

იმერული ღვინო წარმატებით იღებს მონაწილეობას ევროპისა და ამერიკის ღვინის საერთაშორისო გამოფენებზე, რაც იმის შედეგია, რომ მეღვინეებმა არაერთი სახელმწიფო პროგრამით ისარგებლეს, რომელთა მიზანი იყო დარგის შემდგომი განვითარება-ხელშეწყობა. იმერული ღვინის პოპულარიზაციის და ექსპორტზე გატანის მოტივაციის ამაღლების მიზნით, 2023 წელს ჩატარდა ღვინის კონკურსი და საუკეთესოები ოქროს მედლებით დაჯილდოვდნენ.



ჩვენ, გასულ წელს, შევძელით მრავალფეროვანი და საინტერესო მიმართულებებზე სწორად პოზიციონირება და რეგიონის ღირსეულად წარმოჩენა.

მოქალაქეების კეთილდღეობისთვის კვლავ ბევრია გასაკეთებელი. ჩვენი მთავარი სურვილიც ეს არის—თითოეულ მოქალაქეს ჰქონდეს ცხოვრების ღირსეული პირობები.

გილოცავთ ახალ წელს! მიზნების ასრულება, კეთილდღეობა და მშვიდობა მოეტანოს 2024 წელს ჩვენი ოჯახებისა და სრულიად საქართველოსთვის!

ზვიად შალაგაძე,
სახელმწიფო რწმუნებული იმერეთში

ჩემო თერჯოლელებო, გილოცავთ ახალი წლის შემობრძანებას!

გისურვებთ ჯანმრთელობას, ბედნიერებას, კეთილდღეობას, წინსვლასა და გაძლიერებას!



გულწრფელი დამოკიდებულებისთვის, რასაც ჩემს მიმართ გამოხატავდით. მზად ვარ, მერის რანგში თქვენთან ერთად ღირსეულად გავაგრძელო ჩვენი მუნიციპალიტეტის განვითარება.

აღსანიშნავია, რომ 2023 წელს, საერთო ჯამში, მუნიციპალიტეტში 105 ინფრასტრუქტურული პროექტი განხორციელდა. მნიშვნელოვანი ნაბიჯები გადაიდგა განათლების, კულტურის, სპორტის, სოციალური განვითარებისა და ტურიზმის ხელშეწყობის მიმართულებით.

მჯერა, რომ 2024 წელი კიდევ უფრო მეტად საქმიანი, სასიკეთო ცვლილებების, წარმატებისა და ახალი შესაძლებლობების მომტანი იქნება. წინ კიდევ უფრო მეტი გამოწვევა გველის, რომელიც ჩვენი მოსახლეობის კეთილდღეობისა და უკეთესი სვალინდელი დღისკენაა მიმართული.

ჩემო მეგობრებო, ჩემო თერჯოლელებო!

განსაკუთრებულად მინდა მივულოცო შობა-ახალი წელი ემიგრანტებს, მათ, ვინც დღეს საქართველოში არ იმყოფებიან და მშობლიური მხარე ენატრებათ. ღრმად მნამს, რომ ჩვენი თანამოქალაქეები, აუცილებლად დაგვიბრუნდებიან.

ასევე, მინდა დიდი პატივისცემითა და სიყვარულით მივულოცო ჩვენი დროის გმირებს, მუნიციპალიტეტში მოღვაწე: პედაგოგებს, მედიკოსებს, მეხანძრე-მაშველებს, პოლიციელებსა და ყველა იმ ადამიანს, რომლებიც ერთგულად და მალალი პროფესიონალიზმით ასრულებენ საკუთარ მოვალეობებს. სწორედ ასეთი ღირსეული ადამიანები ქმნიან უკეთეს მომავალს.

კიდევ ერთხელ ვულოცავ სრულიად საქართველოს, ბევრი პოზიტივი, სითბო, სიხარული, ხევაი და ბარაქა დაგებდეთ!

ფეხბედნიერი წელი ყოფილიყოს!

მანუჩარ რობაქიძე,
თერჯოლის მუნიციპალიტეტის მერი

გილოცავთ ახალ 2024 წელს!

სიკეთის, სიხარულისა და ბედნიერების მომტანი ყოფილიყოს ახალი წელი თერჯოლის მუნიციპალიტეტისათვის და სრულიად საქართველოსთვის!

2023 წელს ჩვენმა ქვეყანამ ევროკავშირის წევრობის კანდიდატის სტატუსი მიიღო. მინდა აღნიშნული წარმატება მივულოცო ჩვენს ყველა მოქალაქეს. მჯერა, რომ მრავალი სიკეთე, რაც ევროპასთან ინტეგრაციას ახლავს თან, მალე აისახება თითოეულ ოჯახზე.

გასულ წელს, თერჯოლის მუნიციპალიტეტში, ადგილობრივი ხელისუფლებისა და მოქალაქეების ჩართულობით, განსაზღვრული პრიორიტეტების მიხედვით, ბევრი წარმატებული პროექტი განხორციელდა. ჩვენ, თერჯოლის მუნიციპალიტეტის საკრებულო და მუნიციპალიტეტის მერია კვლავაც ვიზრუნებთ, რომ მომავალში კიდევ უფრო მეტად განვითარებული და კეთილმოწყობილი გარემო შევუქმნათ თანამოქალაქეებსა და მუნიციპალიტეტის სტუმრებს.

2024 წელს მინდა ყველა ადამიანს წინსვლა და გაძლიერება ვუსურვო. დარწმუნებული ვარ, რომ ხელისუფლება და სამოქალაქო საზოგადოება, ერთმანეთის მხარდაჭერითა და ერთობლივი ძალისხმევით, შევძლებთ ჩვენი ქვეყნისათვის და თითოეული მოქალაქისათვის უკეთესი მომავლის შექმნას.

კიდევ ერთხელ გილოცავთ ახალ წელს! გისურვებთ კეთილდღეობას, ჯანმრთელობას, მშვიდობას და ბედნიერებას!

გიორგი ბარათაშვილი,
თერჯოლის მუნიციპალიტეტის საკრებულოს თავმჯდომარე



ახალი წლის პირველი სამუშაო შეხვედრა

თერჯოლის მუნიციპალიტეტის მერმა, მანუჩარ რობაქიძემ, მოადგილე მირზა ქოჩიაშვილთან ერთად, ახალი 2024 წლის პირველი, გაფართოებული ფორმატის სამუშაო შეხვედრა, საახალწლო ორდღიანი დასვენების შემდეგ, პირველივე სამუშაო დღეს გამართა.

ამ შეხვედრაზე მერმა თანამშრომლებს პირველი მოადგილის თანამდებობაზე ზვიად ბაზაძე წარუდგინა და სამომავლოდ წარმატებული საქმიანობა უსურვა.

ზვიად ბაზაძეს აქვს საჯარო სამსახურში მუშაობის მრავალწლიანი გამოცდილება, წლების განმავლობაში ერთგულად ასრულებდა ზედა სიმონეთის ადმინისტრაციულ

ერთეულში მერის წარმომადგენლის მოვალეობას. ზვიად ბაზაძე არის კვალიფიციური, მალალი დონის პროფესიული საჯარო მოხელე, რომელიც გამოირჩევა ანალიტიკური აზროვნებით, გუნდური მუშაობით, ეფექტური კომუნიკაციის უნარით და საქმეს ყოველთვის პასუხისმგებლობით ასრულებს.

შეხვედრაზე განიხილეს მუნიციპალიტეტის სხვადასხვა მნიშვნელოვანი საკითხები. ყურადღება გამახვილდა სოციალური მიმართულებით განსახორციელებელ პროგრამებზე, რომლებიც მოსახლეობის საჭიროებებზე იქნება გათვლილი.



ძველი და ახალი წლების გზაგასაყარზე...

რამდენიმე დღეა, რაც ახალმა, 2024 წელმა მიიღო ესტაფეტა წინამორბედი წლისაგან. როგორც წესი, ამ დროს დიდი დაკვირვებით ჯამდება წინა წლის განმავლობაში გაკეთებული საქმეები, მიღწევები და განუხორციელებელი სურვილები...

ჩვენს ქვეყანას და ხალხს უთუოდ აქვთ საამაყო, რომ გასულ წელს კიდევ ერთი ნაბიჯი გადავდგით ევროპულ ოჯახში შესასვლელად და მივიღეთ ამ ოჯახის წევრობის კანდიდატი ქვეყნის სტატუსი...

გასული წელი ხელშესახები შედეგებით დაასრულა თერჯოლის მუნიციპალიტეტმა. მნიშვნელოვანი დადებითი შედეგებია საქმიანობის ყველა იმ მთავარი მიმართულებით, რომლებიც მუნიციპალიტეტის მოსახლეობის კეთილდღეობის გაუმჯობესებაზე არის ორიენტირებული. წლის განმავლობაში საკრებულოსა და მერიის ერთობლივმა, შედეგებზე კარგად გათვლილმა თანამშრომლობამ პრაქტიკულად ყველა მუნიციპალური პროექტის შესრულება გახადა შესაძლებელი.

გასული წელი იმითაც იყო გამორჩეული, რომ 2024 წლის დადგომამდე, დროულად დამტკიცდა მუნიციპალიტეტის მიმდინარე წლის ბიუჯეტი.

მუნიციპალიტეტის საკრებულოს, გასული წლის დეკემბერშივე, ჩააბარა ანგარიში 2023 წელს გაწეული მუშაობის შესახებ მუნიციპალიტეტის მერმა (იხ. გვ. 6-7 „წინ ერთად, წარმატებისათვის“). ხაზგასასმელია, რომ თერჯოლის თვითმმართველობამ ასევე დროულად და თადარიგინად იზრუნა მოსახლეობისათვის ამაღლებული საახალწლო განწყობის შესაქმნელად.

საერთო შეფასებით, წინასახალწლო და ახალი წლის პირველმა დღეებმა თერჯოლის მუნიციპალიტეტის მოსახლეობაში შეიტანა ის დადებითი მუხტი, რომ მუნიციპალიტეტის მერია და საკრებულო შესაძლებლობის მაქსიმუმის ზღვარზე ცდილობდნენ ყველასათვის სიხარულის მინიჭებას.

ეს ზრუნვა რამდენიმე მიმართულებით იყო განსაკუთრებულად აქცენტირებული—რაც შეიძლება მათი მაქსიმალურად მოეცვათ საახალწლო საჩუქრებით მოსახლეობის სოციალურად დაუცველი ფენა, შშმ პირები, ბავშვები... ამასთან, მოეწყობა ისეთი საახალწლო ღონისძიებები, რომლებიც დაუვიწყარ შობაგადასვენებად დარჩებოდნენ მსახველებისა და მონაწილეთა მეხსიერებაში.

მონდომებამ, პასუხისმგებლობამ და თავდაუზოგავმა მუშაობამ შედეგებიც შესაფერისი გამოიღო...

20 დეკემბერს აინთო საახალწლო ცენტრალური ნაძვის ხე, რაც საგანგებოდ აღინიშნა კიდევ.

გულს ახარებდა ახალი წლის შესახვედრად მზადების მთელი პროცესი—ქალაქ თერჯოლის საზეიმოდ მოთვა, განათებების მოწყობა, ქუჩებისა და სკვერების, საცხოვრებელი სახლების, დაწესებულებების, სხვადასხვა სავაჭრო თუ კერძო ობიექტების მოწესრიგება.

ბარბარობის წინა და შემდეგ დღეებში კი თერჯოლის მუნიციპალიტეტის ხელმძღვანელობა საახალწლო ნობათებით ეწვია სხვადასხვა სოციალური კატეგორიების ოჯახებს—მარტოხელებს თუ მრავალშვილიანებს, ბავშვებს...

რამდენიმე ოჯახში პირადად მუნიციპალიტეტის მერი მანუჩარ რობაქიძე, საკრებულოს თავმჯდომარის მოადგილე დავით გოგბერაშვილთან, ქალაქ თერჯოლის მაჟორიტარ დეპუტატ ელისო მურადაშვილთან და მერიის სოციალური სამსახურის ხელმძღვანელ დიანა ფოცხვერაშვილთან ერთად იმყოფებოდა, თითოეულ მათგანს საახალწლო ნობათი გადასცა და შობა-ახალი წელი მიულოცა.

განსაზღვრულ ბენეფიციარებს ასეთი სასურსათო პაკეტი მუნიციპალიტეტის მერიის ჯანდაცვისა და სოციალურ საკითხთა სამსახურის ორგანიზებით ადმინისტრაციულ ერთეულებში მერის წარმომადგენლებმა პირადად გადასცეს.

ამ სოციალურ აქტივობაში ჩართული იყო რძის პროდუქტების კომპანია „ზეკარი“. მადლობა მათ.

● საახალწლოდ, თერჯოლის მუნიციპალიტეტის მერი, მანუჩარ რობაქიძე, საკრებულოს თავმჯდომარის მოადგილე დავით გოგბერაშვილი, ქალაქ თერჯოლის მაჟორიტარი დეპუტატი ელისო მურადაშვილი და სკოლამდელი აღზრდის მუნიციპალური ცენტრის ხელმძღვანელი მაია თორთლაძე ასევე ესტუმრნენ შშმ ბავშვთა

სასწავლო-სარეაბილიტაციო დღის ცენტრების აღსაზრდელებს, ბავშვებს შობა-ახალი წელი მიულოცეს და საახალწლო საჩუქრები გადასცეს.

თერჯოლის მუნიციპალიტეტში ორი შშმ ბავშვთა სასწავლო-სარეაბილიტაციო დღის ცენტრია, სადაც საერთო ჯამში 23 აღსაზრდელი იღებს განათლებას.

მუნიციპალიტეტის მერიის ინიციატივითა და მხარდაჭერით ორივე დღის ცენტრს მათივე საჭიროებების მიხედვით გაენია დახმარება.

დღის ცენტრი „საპოვნელა“ ქ.თერჯოლის მე-3 საბავშვო ბაღის ახალ გარემოში გააგრძელებს ფუნქციონირებას.

ხელმძღვანელი პირები ზედა აღისუბნის საბავშვო ბაღში იმყოფებოდნენ, სადაც აღსაზრდელებმა, პედაგოგებთან ერთად საახალწლო თემატიკაზე პერფორმანსი წარმოადგინეს. ღონისძიებას აღისუბნის მაჟორიტარი დეპუტატი, ბადრი ბუცხრიკიძე, მერის წარმომადგენელი, ვაგა აბუხანდაძე და სხვა მონაწილე სტუმრები ესწრებოდნენ.

● განსაკუთრებით ემოციური იყო მუნიციპალიტეტის მერის მანუჩარ რობაქიძის და მერიის სოციალური სამსახურის ხელმძღვანელის დიანა ფოცხვერაშვილის სტუმრობა ქვედა სიმონეთში—ოჯახში, სადაც რვანლიანი ლოდინის შემდეგ, ნანატრი შვილი და თანაც პატარა ვაჟკაცი, გვარის გამგრძელებელი ძე დაიბადა.

„მადლობა რეპროდუქციული მედიცინის კლინიკა „უნივერსს“, მადლობა თერჯოლის მერიას ასეთი სიხარულის შესაძლებლობისათვის“—გაისმის ამ დღეებში ახლადშეძენილის მშობლების ოჯახში.

ბედნიერ საქართველოში ეცხოვროს ახალშობილს.

განვმარტავთ რომ კლინიკა „უნივერსსა“ და მუნიციპალიტეტის მერიას შორის თანამშრომლობა მიმდინარე წელსაც გრძელდება.

● თერჯოლის მუნიციპალიტეტის მერი, მანუჩარ რობაქიძე, მოადგილე მირზა ქოჩი-

აშვილთან, ქალაქ თერჯოლის მაჟორიტარ დეპუტატ ელისო მურადაშვილთან და საკრებულოს თავმჯდომარის მოადგილე დავით გოგბერაშვილთან ერთად იმ დაწესებულების თანამშრომლებს ესტუმრა, რომლებიც 24 საათის განმავლობაში ერთგულად ასრულებენ პროფესიულ მოვალეობას.

ხელმძღვანელმა პირებმა, სასაჩუქრე კალათები სასწრაფო სამედიცინო დახმარების ცენტრის, საგანგებო სიტუაციების მართვის სამსახურისა და პოლიციის თანამშრომლებს გადასცეს, შობა-ახალი წელი მიულოცეს და წარმატებული საქმიანობა უსურვეს.

„დიდი პატივისცემით გილოცავთ შობა-ახალი წლის შემობრძახებას, განსაკუთრებით თქვენს, რომლებიც 24 საათის განმავლობაში, დაუღალავი შრომითა და პასუხისმგებლობით ასრულებთ საკუთარ მოვალეობებს, ზრუნავთ ჩვენი თანამოქალაქეების სიმშვიდესა და უსაფრთხოებაზე, მადლობა თანადგომისთვის“—განუცხადა მათ მუნიციპალიტეტის მერი, მანუჩარ რობაქიძე.

ახალი წლის დღეებში საუკეთესო საახალწლო სიურპრიზი მიიღო თერჯოლის მოსახლეობამ ადგილობრივი თვითმმართველობისგან.

საახალწლო დღეებში თერჯოლის ქუჩებში გამოჩნდნენ თოვლის ბაბუასთან ერთად საახალწლო ფორმაში გამოწყობილი გოგონები. ქალაქის მასშტაბით, თოვლის ბაბუებისა და მშვენიერი ელფების რამდენიმე ჯგუფმა ორგანიზაციებს, მოქალაქეებს და ბავშვებს ახალი 2024 წელი მიულოცა, საახალწლო საჩუქრები და ტკბილეული დაურიგა.

სადღესასწაულო აქტივობა თერჯოლაში დილიდან დაიწყო და რამდენიმე საათში ქალაქი სრულად მოიცვა.

აღსანიშნავია, რომ თერჯოლაში, ასეთი ტიპის მასშტაბური საახალწლო მსვლელობა, პირველად მოეწყო, რაც მოსახლეობამ კარგად მიიღო და მისი ტრადიციულად დამკვიდრება ისურვა.



ძველი და ახალი წლების გზაგასაყარზე...

მთავრობის ადმინისტრაციის ორგანიზებით



ყოველ დღეს გააჩნია რაღაც ახალი, ადამიანები ვეძებთ სიხარულს, შინაგან და გარეგან მშვიდობას, მშვიდობას საკუთარ თავთან, გარშემომყოფებთან, ვეძებდით სიხარულს და მოგვეცა კიდევ. 2023 წელი უკვე წარსულია. ვეგებებით 2024 წელს ლამაზად. ღირსეულად ზეიმობდა თერჯოლა, თითოეული ადამიანი, განსაკუთრებით დასამახსოვრებელი იყო ახალი წლის დღეები ახალგაზრდა თაობისათვის და პატარებისათვის.

2023 წლის 29 დეკემბერი ლამაზ ფურცლად დარჩება მუნიციპალიტეტის ისტორიაში, საქართველოს მთავრობის ადმინისტრაცი-

ის ორგანიზებით, მუნიციპალიტეტის მერიის შენობის წინ და მიმდებარედ საახალწლო ღონისძიება გაიმართა, რომელიც 14 საათზე ორკესტრის და კოსტიუმირებული გმირების მსვლელობით დაიწყო, მოეწყო საშობაო ბაზრობა, ადგილობრივი ნაწარმის და ხელნაკეთი ნივთების გამოფენა-გაყიდვა, საბავშვო სივრცეები, საახალწლო ორცხობილების მოხატვა, ნაძვის ხის სათამაშოების გაფერადება, დამზადდა ხის ფიგურები, სათამაშოები, მისალოცი ბარათები, პატარები იხატავდნენ სახეს, მიმდინარეობდა მუსიკალური ინსტალაცია „ლაპლანდია“, ორკესტრთან ერთად ზღაპ-

რის გმირების მსვლელობამ და სანტასთან შეხვედრამ გაახალისა პატარები. ორი საათის განმავლობაში მიმდინარეობდა კონცერტი, რომელშიც მონაწილეობდნენ: დავით მაზანაშვილი და ბენდი, გიგა ჯალალონიას ტრიო, აჩიკო ბერიძე, არჩილ ცანკაშვილი, თემურ ყვითელაშვილი, დათო არჩვაძე, ელენე ფოჩხუა, სოფო პაპუაშვილი, სოფო ბედია, მაგდა ნიკოლეიშვილი, ნინო ბუღიაშვილი, ნინო შერმადინი, გელა დონაძე და ანუკი ცქვიტინიძე.

20 საათზე საზეიმო კონცერტი ფოიერვერკმა დაამთავრა. ღონისძიება მიჰყავდა კახა მიქიაშვილს და მიაა დათუნაშვილს.



ტრადიციული 31 დეკემბერი—ღამის თერჯოლა

31 დეკემბერს, ახალი წლის ღამეს, ყოველთვის ახლდა განსაკუთრებული სითბო და ელფერი. ასე იყო წელსაც—თერჯოლელები ერთად შეეგებნენ 2024 წლის შემობრძანებას.

ნაძვისხე ახალ წლამდე რამდენიმე დღით ადრე აინთო.

31 დეკემბერს მთავარ ნაძვისხესთან მოქალაქეები ახალ წელს ულოცავდნენ ერთმანეთს. ახალი წლის ღონისძიებას ესწრებოდნენ: თერჯოლის მუნიციპალიტეტის მერი მანუჩარ რობაქიძე, მოადგილე მირზა ქოჩი-

აშვილი და მუნიციპალიტეტის საკრებულოს თავმჯდომარე გიორგი ბარათაშვილი, საკრებულოს დეპუტატები, მერიისა და საკრებულოს თანამშრომლები, სოფლების წარმომადგენლები, სამსახურების ხელმძღვანელები.

საახალწლო ღონისძიება ფოლკლორული ანსამბლის მონაწილეობით დაიწყო. სიმღერის ანსამბლებმა: იმერეთი, მასპინძელო, გოგონათა კვარტეტმა, ქორეოგრაფიულმა ანსამბლებმა: იმერეთი, ჯეოგენი, მოსწავლე-ახალგაზრდობის ცენტრის სამეჯლისო ცეკვებმა და

მუსიკალურმა ნომერმა, მოწვეულმა მუსიკოსმა, ქუთაისის ოპერისა და ბალეტის თეატრის მევიოლინემ ია ჭარხალაშვილმა მოხიბლა მაყურებელი. გაიმართა მუსიკალური ინსტალაცია „ლაპლანდია“, ღონისძიება მიჰყავდა ლიზი ნეფარიძეს და ბაქარ კირკიტაძეს.

მუნიციპალიტეტის მერმა მანუჩარ რობაქიძემ, საკრებულოს თავმჯდომარემ გიორგი ბარათაშვილმა ახალი წელი მიულოცეს თერჯოლის მოსახლეობას.

ღონისძიება ფოიერვერკით დასრულდა.



საახალწლო კარნავალზე

გაიმართა საახალწლო კარნავალი მოსწავლე-ახალგაზრდობის ცენტრის მიერ.

სცენაზე 155 მონაწილე ცვლიდა ერთმანეთს, ერთმანეთზე უკეთესები გარეგნობით, სიმღერის, ცეკვის, მხატვრული კითხვის ნიჭით გამორჩეულები, კარგ მხატვრულ ნომრებს შესაბამისი ჩაცმულობა, ვარცხნილობა და საახალწლო აქსესუარები ალამაზებდა. სხვადასხვა ქვეყნის ცეკვებმა, სიმღერებმა, ზღაპრის გმირებმა მოხიბლა მაყურებელი და ვიხილეთ „ბოშები“, „ინდოელები“... მერე „დრაკონიც“ გამოჩნდა. 2024 წელი „ბედნიერი და ყაირათიანი იქნება, მომქანცველი, მაგრამ ბრწყინვალე, ჯილდოები და დიდი დღესასწაულები“...

რა გითხრათ, ასე გვპირდება დრაკონის წელი.

გამოიკვეთა მოსწავლე-ახალგაზრდობის ცენტრის შრომისმოყვარე კოლექტივის ერთიანობა, ერთსულოვნება, საქმის კარგად ცოდნა, პედაგოგების, მოსწავლეების და მშობლების თანამშრომლობა.

მოსწავლე-ახალგაზრდობის სახლის ხელმძღვანელმა ნინო ოქრუაძემ მადლობა გადაუხადა მუნიციპალიტეტის მერს ბატონ მანუჩარ რობაქიძეს თანადგომისა და დახმარებისათვის, მუნიციპალიტეტის საკრებულოს და დამსწრეთ მობრძანებისთვის.

თავის მხრივ ბატონმა მანუჩარმა ახალი წელი მიულოცა და მადლობა გადაუხადა პედაგოგებს და მონაწილეებს, რამდენიმე

სიტყვით ყველაფერი თქვა— „მე ბევრჯერ გავსულვარ ამ დარბაზიდან თქვენით კმაყოფილი, მაგრამ დღევანდელმა ღონისძიებამ ყოველგვარ მოლოდინს გადააჭარბა“—ო—აღნიშნა მუნიციპალიტეტის მერმა.

ღონისძიებას ესწრებოდნენ მერიისა და საკრებულოს თანამშრომლები, თავმჯდომარის მოადგილეები: დავით გოგბერაშვილი, ჯემალ ისაკაძე, საგანმანათლებლო რესურსცენტრის ხელმძღვანელი ქეთევან შეყრილაძე.

დარბაზში, ილბლიან სკამზე მჯდომმა 11 ადამიანმა მიიღო პრიზი შემთხვევითი შერჩევის პრინციპით.

ლამაზი დღე იყო, დასამახსოვრებელი.



ძველი და ახალი წლების გზაგასაყარზე...

საახალწლო „გამოცდა“ თოვლით...



24-25 დეკემბერს თერჯოლის მუნიციპალიტეტში გადაუღებლად თოვდა. თოვლის საფარის სიმაღლემ ზედა სოფლებში ორმოცდაათ სანტიმეტრს გადააჭარბა.

პირველივე თოვლცვენის შემდგომ დილიდანვე შეუდგა მუნიციპალიტეტის მერია გზების ინტენსიურ განმუშაობას.

მერის, მანუჩარ რობაქიძის დავალებით, მობილიზებული იყო შესაბამისი ტექნიკა. განმუშაობები მთელი დღის განმავლობაში აქტიურად მიმდინარეობდა.

ოპერატიულად გაინმინდა ქალაქის ტერიტორია და ადმინისტრაციულ ერთეულებში მისასვლელი ცენტრალური გზები.

უხვმა ნალექმა მნიშვნელოვნად დააზიანა ელექტროგადამცემი ხაზები, ღამის განათებები სოფლებში, ინტერნეტის ხაზები, ზოგჯერ დროებით შეწყდა ელექტროენერჯია, მაგრამ უნდა ითქვას, რომ შესაბამისმა საავარიო ჯგუფებმა თავდაუზოგავად იმუშავეს და აღადგინეს დაზიანებები. აღსანიშნავია, რომ ყველაზე ოპერატიულად ეს თერჯოლის „საქორგაზის“ თანამშრომლებმა შეძლეს.

საახალწლო-სამობაო კონცერტი სამუსიკო სკოლაში

ვაჟა კუბლაშვილის სახელობის თერჯოლის სამუსიკო სკოლა, სახელოვნებო განათლების ერთ-ერთი მძლავრი კერაა, სადაც მოსწავლეთა მუსიკალურ განათლებას მყარი საფუძველი ეყრება. ამის დასტურია როგორც სკოლაში გამართული კონცერტები, თუ რაიონულ ღონისძიებებში სამუსიკო სკოლის მოსწავლეთა მიერ შესრულებული ნომრები, აგრეთვე მათი წარმატებული მონაწილეობა სხვადასხვა კონკურსებსა და ოლიმპიადებში, ჩვენი ქვეყნის მასშტაბით თუ მის ფარგლებს გარეთ.

29 დეკემბერს, სამუსიკო სკოლაში გამართულმა საახალწლო-სამობაო კონცერტმა კიდევ ერთხელ ცხადყო, რომ სკოლა, მისი პედაგოგიური კოლექტივი, ვალერი კუბლაშვილის ხელმძღვანელობით, თერჯოლელ ნიჭიერ აღსაზრდელებთან ერთად არა თუ საუკეთესოდ აგრძელებენ სკოლის მრავალწლიან ტრადიციებს, კიდევ უფრო დახვეწილ, გამომწვევითა და სამემსრულებლო ოსტატობით მომზადებულ კონცერტს სთავაზობენ მაყურებელს.

დარბაზში მაყურებელთა სიმრავლეა, სკოლის დირექტორი ვალერი კუბლაშვილი მიესალმა შეკრებილ საზოგადოებას და დამდეგი ახალი წელი მიულოცა თითოეულს.

კონცერტი, რომელშიც სკოლის აღსაზრდელთა უმრავლესობა მონაწილეობდა თითქმის საათნახევარი გაგრძელდა.

სცენაზე საახალწლო ნაძვის ხესთან საინტერესო მუსიკალური ნომრებითა და სიმღერებით ერთმანეთს ცვლიდნენ

ღამაში გოგო-ბიჭები. კონცერტი აპლოდისმენტების ფონზე მიმდინარეობდა. შესრულდა როგორც ქართველ, ასევე საზღვარგარეთის ცნობილ კომპოზიტორთა ნაწარმოებები. ნორჩი „ხელოვანები“ ერთმანეთს ტოლს არ უდებდნენ და როგორც ფორტეპიანოზე, ასევე გიტარაზე მაღალ დონეზე შესრულებულ ნომრებს სთავაზობდნენ მაყურებლებს.

კარგი შთაბეჭდილება მოახდინა აგრეთვე სამუსიკო სკოლის მომღერალმა გაერთიანებულმა გუნდმა, ხალხურ საკრავთა ანსამბლმა.

საახალწლო-სამობაო კონცერტში მონაწილეობდნენ პედაგოგების: გულთამაზე კუბლაშვილის, შორენა არაბიძის, გიული გრძელიშვილის, ნორა პერანბიძის, დალი ჯიხაევას, მერი ჯიშკარიანის, ლელა ცხადაძის, ვალენტინა სახელაშვილის, ეთერ კაკოიშვილის, მკა კუტივაძის, რუბენ რობაქიძის და რამაზ მემანიშვილის აღსაზრდელები.

კონცერტს დიდი ხიბლი შესძინა თავად სკოლის დირექტორის მიერ, როგორც ილუსტრატორის შესრულებულმა სიმღერამ მოსწავლის აკომპანიმენტთან ერთად.

დასასრულს შეკრებილ მაყურებლებს, სკოლის აღმზრდელებსა და კონცერტში მონაწილე მოსწავლეებს დამდეგი ახალი წელი მიულოცა სახელოვნებო განათლების კულტურისა და ტურიზმის ცენტრის დირექტორის მოადგილემ შორენა ბოჭორიშვილმა, სამუსიკო სკოლის აღსაზრდელებს კი საახალწლო საჩუქრები გადაეცათ.

მზია ცაიფურიშვილი

სამხატვრო სკოლის საახალწლო გამოფენაზე

მოახლოებული ახალი წლის სიხარულისა და ბედნიერების ხიბლი დავანებულა სამხატვრო სკოლის საგამოფენო დარბაზში. ეს სიხარული და ბედნიერება უპირველესად იმ ნორჩ შემოქმედთა კუთვნილებაა, რომელთა ნამუშევარი საახალწლოდ პირველად გამოიფინა. თუმცა, ყოველი გამოფენა სამხატვრო სკოლაში ყველას ერთნაირად ახარებს—მოსწავლეებს, პედაგოგებს, მოსწავლეთა მშობლებს თუ დამთვალიერებლებს.

მრავალფეროვნებითა და მრავალსახეობითა გამორჩეული წლებანდელი საახალწლო გამოფენა, რომელიც ამ დღეებშიც შეგიძლიათ დაათვალიეროთ. გამოფენა სკოლის 95 მოსწავლის ნამუშევარს აერთიანებს და ყველა ერთად ისეთ სილამაზეს ჰქმნის, თავი სამოთხეში გგონია.

ნორჩი „მხატვრების“ ფანტაზიას და ხატვის სიყვარულს საზღვარი არ აქვს. უნდა ნახოთ, რა თავმომწონედ დგანან თავიანთ ნამუშევრებთან და როგორ შეჰყურებენ თვალებში დამთვალიერებლებს.

სკოლის დირექტორი, ქალბატონი თამარ ლარიბაშვილი: „მილოცვით უნდა დავინყო და მისალმობი ნამდვილად მნიშვნელოვანი გვაქვს: უპირველესად კი ეს არის საქართველოსათვის ევროკავშირის წევრობის კანდიდატის სტატუსის მინიჭება. ჩვენმა ქვეყანამ მნიშვნელოვანი ნაბიჯი გადადგა დიდი ევროპული ოჯახისაკენ, რომელზედაც წარსულშიც ოცნებობდნენ და დღესაც ოცნებობენ ადამიანები, რომლებმაც კარგად უწყვიან რა სასიკეთო გარანტიებიც უნდა მოუტანოს ევროკავშირის წევრობამ ჩვენს პატარა ქვეყანას მისი შემდგომი განვითარებისათვის სოციალურ-ეკონომიკური, კულტურული თუ თავდაცვის გაძლიერებისათვის.

„ჩემო პატარებო“—მიმართა მან აღსაზრდელებს, საქართველო აუცილებლად გახდება ევროპის ნაწილი და ამით ვერავინ მოახერხებს ჩვენი მენტალობის, კულტურის, ტრადიციებისა თუ ადათ-წესების ხელყოფას, როგორც ადამიანთა მცირე ნაწილს სოციალური ქსელით სურს წარმოაჩინოს... არავინ არ შეგიყვანოთ შეცდომაში... ჩვენ ყველამ ერთად უნდა ვიზიემოთ და ვისარგებლოთ ევროკავშირის წევრობით და იმ სიკეთით, რასაც მომავალში ჩვენი ქვეყანა მიიღებს.

ახლა კი დამდეგი ახალი წელი უნდა მოგილოცოთ. ჯანმრთელობა, დღეგრძელობა და წარმატებები მოეტანოს თქვენთვის და თქვენი ოჯახებისათვის ხვალი და ბარაქა, ბედნიერი ფერად დღეთა სიმრავლე.

უნდა მოგილოცოთ დღეებანდელი დღე, ერთ-ერთი მნიშვნელოვანი დღე თქვენს ცხოვრებაში—თქვენი მონაწილეობით საახალწლო გამოფენის გახსნა. მრავალი გამოფენა და წარმატებები გქონდეთ ცხოვრებაში.

შემდეგ თამარმა ისაუბრა მოსწავლეების უპრეცედენტო რაოდენობაზე, რაც სამხატვრო სკოლაში სწავლის მსურველთა დიდმა რაოდენობამ გამოიწვია. მოსწავლეთა ყველა ნაკადში ყოველთვის არის ახალი „აღმოჩენა“, რომელიც შემდეგში თავის სათქმელს ამბობს ხელოვნების გზაზე.


სკოლას საამაყოდ აქვს, მათი სკოლა დამთავრებული 12 თერჯოლელი არქიტექტორის საქმიანობა, რომლებიც საქართველოს სხვადასხვა კუთხეში მოღვაწეობენ.

როგორც თამარი ამბობს: წელს 5 ბავშვი მიიღებს სკოლის დამთავრების მოწმობას და ხუთივე სამხატვრო აკადემიაში აპირებს სწავლის გაგრძელებას, ანუ მათი სურვილია გაჰყვეს ხელოვნების ამ ურთულეს გზას“.

ნორჩ მხატვართა საახალწლო გამოფენამ კიდევ ერთხელ აჩვენა და დაადასტურა, რომ თერჯოლაში მართლაც ბევრი, ხატვის ნიჭით დაჯილდოებული ბავშვია და მათთან მუშაობა ძალიან სასიამოვნოცაა. წარმატება ვუსურვოთ თითოეულ მათგანს.

იყო საახალწლო მილოცვები და ტრადიციულად საახალწლო საჩუქრები მუნიციპალიტეტის მერიისაგან. ნორჩი მხატვრები და მათი მშობლები ღამაზად შეფუთული სასაჩუქრე ნობათით და მადლიერების გრძნობით ტოვებდნენ სკოლის შენობას. ახალი, 2024 წლიდან ისინი კვლავ სიხარულით ესტუმრებიან საყვარელ და კეთილ გარემოს და მეტი ენთუზიზმით გააგრძელებენ საყვარელი საქმის დაუფლებას.

მზია ცაიფურიშვილი



ოჯახი მისაბადი ცხოვრების წესით

ოთხი შვილი აღიზარდა საზანოში მცხოვრებ ალექსანდრე ჯაფარიძის და ნელი აბაშიძის ოჯახში: დარეჯანი, ნესტანი, ამირანი, კოტე, ოთხივე უმაღლესი განათლებით, ოთხივეს ცხოვრება ზნეობრივი და ღირსეული იყო, ერთგულებით და პატიოსნებით გამოჩნეული. ტყუპისცალი აკლია დარეჯანს, მოგვიანებით დედამ უამბო ჩვილის გარდაცვალების დიდ ტკივილზე და დარეჯანი, როგორც ექიმი, განსაკუთრებულად ინტერესდებოდა ბავშვთა ჯანმრთელობის მდგომარეობით, მაშინაც კი, როცა ამის ვალდებულება არ ჰქონდა.

დარეჯანის მამა ალექსანდრე რესპუბლიკაში სკოლის ცნობილი დირექტორი იყო. საზანოს სკოლის მუშაობა რამდენჯერმე განზოგადდა პარტიის ცენტრალური კომიტეტის ბიუროზე, იგი იყო ბუნების დიდი ქომაგი, ათეული წლების მანძილზე აგროვებდა სოფლის და სკოლის ისტორიას, დღესაც აქტიურად გამოიყენება მისი ნარკვევი ამ თემაზე, მეც ბევრჯერ მისარგებლია. სკოლაში მამის გამო შვილებს შეღავათი თუ გქონდათ—გვითხე დარეჯანს და პასუხი არ გამკვირვებია—მამა იყო თანაბრად მკაცრი და მომთხოვნი, საკუთარი თავისა და სხვებისადმი, ვინ გაბედავდა ზედმეტი ნიშნის დაწერას, სულ პირიქით იყო, თვითონ გვაშინებდა—ო და დაამთავრა დარეჯანმა სკოლა ოქროს მედალზე, წარმატებით თბილისის

სახელმწიფო სამედიცინო უნივერსიტეტის სამკურნალო ფაკულტეტი—ექიმ თერაპევტის სპეციალობით. სტუდენტობა—უბედნიერესი წლები იყო მის ცხოვრებაში. ყველა პირობა ჰქონდა თბილისში დარჩენილიყო, მაგრამ თერჯოლას ვერ შეეღია. მუშაობა დაიწყო სოფლის ამბულატორიაში, იყო რაიპოლიკლინიკის, თერაპიული განყოფილების გამგე. „ინტერნატურის“ სრული კურსი—ასე უწოდდა დარეჯანმა დევანდოსილი ექიმების პეტრე წერეთლისა და ვარლამ მაკარიძის ხელმძღვანელობის პერიოდში მუშაობას, იხსენებს დარეჯან გაბუნიას, ახლა მედიცინის დოქტორს, პროფესორს. უყვარდათ და პატივს სცემდნენ რაიონში ორ დარეჯანს, განუყრელ მეგობრებს, დღემდე. ერთხელ ჯაფარიძე და გაბუნია რაიკომის გაფართოებულ სხდომაზე იყვნენ მოწვეულები, გაბუნია ახალი ჩამოსული იყო, თათბირსაც პირველად ესწრებოდა, სათვალეს ატარებდა, რაც უფრო ლამაზს და მიმზიდველს ხდიდა მას. აღრიცხვა მიმდინარეობდა, ნუგზარ კაკოიშვილმა, რომელიც თვითონაც სათვალეს ატარებდა, გაბუნიას ჰკითხა—თქვენ რა ნომერს ატარებთო, ყველამ გაბუნიას შეხედა, უხერხული სიჩუმე ჩამოვარდა. ბნელია კაკოიშვილი და ბრმა, არ გეწყინოს—თქვა, დავამშვიდე დარეჯანი, ისინი იმავე დღეს დაძმავდნენ, მე კი კაკოიშვილის შემორიგება მწვადი დამიჯდა.



„ძალიან რთული და არეული წლები იყო. 1993 წელს, აფხაზეთის ომის დროს, თბილისიდან აფხაზეთისაკენ დაიძრა ქალებით დატვირთული მატარებელი რეჟისორ ქეთი დოლიძის ხელმძღვანელობით, თერჯოლებიც უნდა შეერთებოდნენ ამ მოძრაობას, მაგრამ იმ დღეს ეს არ მოხერხდა“—გაიხსენა დარეჯანმა, მაგრამ რატომღაც არ გაიხსენა მისი აქტივობა და თავგანწირვა, არ გაიხსენა და მე გავიხსენებ: გაფართოებული თათბირი ჩატარდა, რაიკომის სხდომათა დარბაზმა მონვეულებიც ვერ დაიტია, ფოიეში სკამები დავდგით, შეკრების მიზანი იყო ერთი და ნათელი—როგორ დაჭირდებოდა ძმათა ომს რაიონის ახალგაზრდები და სამედიცინო პერსონალი. დარეჯანი მაშინ რაიონული საავადმყოფოს მთავარი ექიმი იყო, მან სიტყვა წარმოთქვა, გააკეთა განცხადება, რომ წავიდოდა იქ, სადაც საჭიროდ მიიჩნევდნენ. ამის თქმა არ იყო ადვილი, ჰარი-ჰარალოზე მაშინ ვერაფერს იტყოდი და შედგა აფხაზეთში წამსვლელთა სია...

სასწრაფო დახმარების ბრიგადები, სააფთიაქო სამსახური... მთავარ ექიმად მუშაობის პერიოდში იგი ორგანიზებას უწევდა ექიმთა სამეცნიერო პრაქტიკულ კონფერენციას, ჰქონდათ კამათი, აზრთა სხვადასხვაობა, დაპირისპირებაც, მაგრამ საექიმო ეთიკის ფარგლებში. ექიმად მუშაობის ორმოცდაათი წლის მანძილზე ქალბატონ დარეჯანს ჰქონდა უამრავი უძილო ღამე, სევდა და ნუხილი დაუფლებია, როცა უძილო იყო და ვერ სძლებდა განუკურნებელ სენს, თუ ქუთაისში, თბილისში მკურნალობაც უშედეგო აღმოჩნდებოდა. ჰქონდა გამოჩენილი დღეები, სიხარული გადარჩენილი სიცოცხლის გამო.

კეთილშობილების მაგალითი

ჩვენ ხშირად ვხვდებით ერთმანეთს. სამსახურიც გვაკავშირებდა და მეგობრობაც. კარგი დამოკიდებულება მქონდა გურამ მდინარაძესთან, დარეჯანის მომავალ მეუღლესთან. ცოტა ხელსაც ვუწყობდი მათ სიყვარულს, თათბირია, დარეჯანიც იქნება—თქვა ვეტყოდი გურამს და სიხარული ეუფლებოდა. რაიონი კარგად იცნობდა დარეჯანის დედამამიშვილებს, განსაკუთრებით ამირანს, იგი პარტიის რაიკომის საორგანიზაციო განყოფილების გამგედ მუშაობდა. მსგავსი პასუხისმგებლობის მქონე ადამიანი, იშვიათობა იყო. არ ეტყობოდა, მაგრამ სხვისი ტკივილი გულთან მიჰქონდა. მის კარგად გაცნობას დრო სჭირდებოდა. დარეჯანი მაინც გამორჩეული იყო. უნდა გავიხსენო: ხაზის ტელეფონები გვქონდა, ხშირად ვხვდებოდით ერთმანეთს. ერთ დღეს ძალიან ადრე დამირეკა, ჯანმრთელობა მკითხა, მერე ყოველდღე მირეკავდა. ჩვენი ურთიერთობის გამო არ იყო გასაკვირი, მაგრამ ეჭვი გამიჩნდა. ერთმა საერთო ნაცნობმა მოჰფინა საქმეს ნათელი—სიზმარი უნახავს, დიდ დარბაზში იყო დასველებული, თავსა და ბოლოში სანთლები ენთო, უამრავი ყვავილი ეწყო ირგვლივ, ნათელი ადგაო. აუგიათ წესი და ეგაა—თქვა შევეუთვალე. დღემდე ვფიქრობ, რამდენად კეთილშობილი უნდა იყო, რამდენად უნდა გიყვარდეს მეგობარი, რომ თვეების განმავლობაში მასზე ნახავ სიზმარს ჯავრობდე. იქნებ გათხოვებაზე ახდეს—თქვა დავამშვიდე და გვქონდა სიცილი.

რამ ეჭვი გამიჩნდა. ერთმა საერთო ნაცნობმა მოჰფინა საქმეს ნათელი—სიზმარი უნახავს, დიდ დარბაზში იყო დასველებული, თავსა და ბოლოში სანთლები ენთო, უამრავი ყვავილი ეწყო ირგვლივ, ნათელი ადგაო. აუგიათ წესი და ეგაა—თქვა შევეუთვალე. დღემდე ვფიქრობ, რამდენად კეთილშობილი უნდა იყო, რამდენად უნდა გიყვარდეს მეგობარი, რომ თვეების განმავლობაში მასზე ნახავ სიზმარს ჯავრობდე. იქნებ გათხოვებაზე ახდეს—თქვა დავამშვიდე და გვქონდა სიცილი.

დარეჯანი არის პირველი კატეგორიის ექიმი, აქვს სახელმწიფო სერთიფიკატი „მინაგან“ მედიცინაში, დაჯილდოებულია საპატიო ნიშნის ორდენით.

ბოლო წლებში შპს „ევექსი“ მუშაობდა ექიმად. კარგი იყო აქ მუშაობის წლები პრინციპულ, საქმის მცოდნე ნინო მახათაძის ხელმძღვანელობით და ნიჭიერ პროფესიონალ ექიმებთან ერთად, ავადმყოფის სარეცელთან აქაც გვითვია ღამეები—ამბობს და სითბო ელვრება გულში.

სიყვარული და ქორწინება

დარეჯან ჯაფარიძის და გურამ მდინარაძის სიყვარული ქორწინებით დამთავრდა. გურამს, პატიოსან, შრომისმოყვარე, კეთილშობილ, ცოტა ემოციურ ადამიანს არც განათლება აკლდა, არც თანამდებობები. სხვადასხვა წლებში იყო რაიონის მთავარი აგრონომი, სოფლის მეურნეობის სამმართველოს უფროსი, გამართველოს უფროსი, გარეგნობაც ხელს უწყობდა, ბევრი ღამაში გოგო მუშაობდა რაიკომსა და აღმასკომში, სხვადასხვა სამსახურებში, მაგრამ მან დარეჯანი აირჩია, არჩევანი სწორი გააკეთა, მაგრამ გული რომ დაწყვიტა ბევრს... გურამი-

სა და დარეჯანის ქორწინების ხანგრძლივი წლები არის იმის მაგალითი, თუ როგორი უნდა იყოს ოჯახი. ურთიერთშორის სიყვარულით და ერთგულებით, ნდობითა და პატივისცემით, საკუთარი თავის, შვილების, ერისა და ღვთის წინაშე მოვალეობით სავსე, მეუღლეებს შორის არასოდეს დარღვეულა ნონასწორობა, რადგან მათ სხვა გარემოებებიც უწყობდათ ხელს—ხასიათი, კულტურა, განათლება, ასაკიც კი. დარეჯანი და გურამი ექმარებოდნენ ერთმანეთს ნაკლოვანებათა დაძლევაში, ყოველთვის ფიქრობდნენ მოუპოვებინათ სიმშვიდე, მშვიდობა ოჯახში, სამსახურში, მეზობლებში, მეგობრებში.

გამორჩეული წელი

გამორჩეული იყო დარეჯანისთვის 2023 წლის 22 ოქტომბერი—მას მიენიჭა თერჯოლის საპატიო მოქალაქეობა. მადლობელია ქალბატონი დარეჯანი მუნიციპალიტეტის მერის მანუჩარ რობაქიძის, სხვა ხელმძღვანელი მუშაკების და ოჯახის მეგობრის სოსო ჩაფიჩაძის. მადლობას ეუბნება კლინიკა „ევექსის“ ხელმძღვანელს და ექიმებს, ვინც წარადგინა ამ მაღალ ჯილდოზე, საპატიო მოქალაქეობას ულოცავს ბატონებს: გივი ლობჯინიძეს, სოსო გიორგაძეს, გარდაცვლილ მერს—ლაშა გოგიაშვილს კი ზეცაში...

დარეჯან ჯაფარიძემ მადლობა არაერთხელ გაიმეორა, თერჯოლის მოსახლეობის მიმართაც. პირიქით ქალბატონი დარეჯან, მადლობა თქვენ. არის ასეთი ნათქვამი—„ადამიანის ცხოვრება ეს ფიჭებია, რომელსაც ყოველდღე ურად, ფუტკრის მსგავსად თაფლით უნდა ვავსებდეთ, რომ რაც შეიძლება მეტმა ადამიანმა ისარგებლოს“—დარეჯან ჯაფარიძე სჭირდებოდათ ადამიანებს, იგი ავსებდა და ავსებს ამ ფი-

ჭებს დღესაც... ასეთი სულიერი ღირებულების მატარებელ ოჯახში, ღვთისა და ერის წინაშე ვალდებულნი უახლოესი წინაპრების მაგალითზე გაიზარდა დარეჯან ჯაფარიძის და გურამ მდინარაძის ორი შვილი, ასე იზრდება ორი შვილიშვილი...

ექიმის ფიცი

ჰიპოკრატეს ექიმის ფიცი, ბიბლიაზე დაფიცების ტოლფასი იყო მისთვის. ერთხელ წარმოთქმული ეს ფიცი არასდროს გაუტეხია, კაბინეტებსა და ფოიეებშიც კი გამოაკრა, პაციენტებმაც და შემომსვლელებმაც იცოდეს ჩვენი ვალდებულებაო. კითხვას—რამდენი ავადმყოფის ჯანმრთელობა შეუნარჩუნებია და რამდენის სიცოცხლე გადაურჩენია—არ პასუხობს, იგი არ ითვლის სიკეთეებს. დარეჯან ჯაფარიძე სოფლის ექიმიც იყო. დიდი ხათრი და მორიდება კი ჰქონდათ ღვანკითელებს, მაგრამ მაინც, დარსა და ავდარში, დღისით თუ ღამით მიჰყავდათ ავადმყოფთან, ხან ფეხით, ხან მანქანით და სიამოვნებას გვრიდა ეს „მოგზაურობა“, იმის შეგრძნება, რომ დასახმარებლად მიდიოდა.


„სხვამან სხვისი“

დარეჯანს ყოველთვის უყვარდა სხვათა აზრის, სხვისგან „სასარგებლო საუბრის“ მოსმენა, ავადმყოფობისას ექიმის „მოხმობა“ მით უფრო ახლა, როცა მასაც და გურამსაც ძველებური შემართება აღარ აქვთ, დარეჯანის „მაჯის შემტყვებლები“ „თერჯოლამედის“ მთავარი ექიმი, ოჯახის მეგობარი სოფო ბუსკივაძე და „თერჯოლამედის“ სხვა პროფილის ექიმები არიან. დარეჯანი მადლობელია მათი, მადლობელია ილბლის... ჩვენც მადლობლები ვართ, რომ არსებობს დარეჯან ჯაფარიძე...

შუშუნა ცხადაძე

„კაცმან საქმე მოიგვაროს, ვეჭვ, ჭმუნვასა ესე სჯობდეს“ ...

ადამიანის ცხოვრებაში ყოველი დღე რაღაც ახლით იწყება, ახალ საფიქრალს გვიჩენს, „ნუთმესვენების“ უფლებას არ გვაძლევს. „არ მოდუნდე“, „იაზროვნე“—თითქოს გვკარნახობს უხილავი ძალა...
მითუმეტეს ვრცელია წლის საპროგრამო შემოთავაზებებიც. უნდა ჩაუჯდებ, ჩაიფიქრო—რა, როგორ, რანაირად...
...და, იწყება ათვლა: თუ შინა—კერძო და თუ გარე—საზოგადოებრივი...
ასევე, სხვა, მრავალწახნაგოვანი, დიდი და მცირე მისახედ-მოსახედი.



რედაქტორისაგან: სწორედ ასე—ახალზე, საქმეზე და სიკეთის ქმნით იწყება ყოველი დღე ჩვენი უფროსი მეგობრის, რედაქციის უხუცესი წევრის, შრომისმოყვარეობით გამორჩეული და მომავლის რწმენით უხვად გაჯერებული კაცის, ნუგზარ გამყრელიძის ცხოვრებაში.

ბატონი ნუგზარი წლების განმავლობაში ხელმძღვანელობდა გაზეთ „თერჯოლის“ წინამორბედს გაზეთ „ნინსვლას“ და დღემდე ღირსეულად აგრძელებს ჟურნალისტურ მოღვაწეობას.

წლების სიუხვის მიუხედავად, კვლავ მარჯვედ უჭრის კალამი და გონება... მაგრამ, როგორც თავად ამბობს და წერს „ყველაფერს აქვს თავის დასასრული“ და „უყოყმანოდ ასრულებს მეუღლის, შვილებისა და შვილიშვილების თხოვნას“...

ჩვენ კი, რედაქციელები, ვერ ველევი, კვლავ ჩვენთან თანამშრომლობას ვთავაზობთ...

ახლა, ისე, როგორც სხვა რიგით დღეებში, მისთვის ჩვეული აკურატიულობით წარმოგვიდგინა რედაქციაში საახალწლო მასალები, სადაც სხვა წერილებთან ერთად ის თხოვნაც იყო გაზეთ „თერჯოლაში“ მოღვაწეობის დასასრულს რომ ეხებოდა.

გთავაზობთ ჟურნალისტის ბოლოთქმას:

„ჩემო საყვარელო გაზეთო, კოლეგებო, პატივცემულო მკითხველებო: გილოცავთ ახალ 2024 წელს. მადლობას გიხდით, რომ მრავალი წლის განმავლობაში ერთად ვიყავით, რომ სიყვარულით ვაკეთებდით ჩვენს საკეთებელს—თერჯოლის საქმეს! 88 წელმა ვერ დამალა, ისევ კალმისა და ქალღმერთის საკენ გამიბრბის მზერა... მაგრამ ყველაფერს აქვს თავისი დასასრული. უნდა დავმორჩილდე ჟამთა სრბოლას... მიჭირს იმის დაჯერება, რომ უნდა დავტოვო ჩემი საყვარელი რედაქცია, სადაც ჩემს კოლეგა ჟურნალისტებთან ერთად ათეულობით წლები გავატარე შრომაში, ძიებაში, ფიქრებში... ეს ჩემი ცხოვრება იყო. მადლობას ვუხედი უფალს ამისთვის.*** 2023 წლის 29 დეკემბერი, პირველი დღე, როცა აღარ-სად მეჩქარება... დღე, როცა უყოყმანოდ ვასრულებ მეუღლის, შვილებისა და შვილიშვილების თხოვნას... ნავალ... ან, უკვე ოჯახს დავუთმობ მეტ დროს“...

სიყვარულით და პატივისცემით ნუგზარ გამყრელიძე



სტრიქონები ეძღვნება 2024 წლის მობრძანებას და ჩვენი სამშობლოსათვის გაცხადებულ მის კეთილ ნებას!

ახლო წელი, გმადლობთ, რომ იმედიანი ნაბიჯებით მოხვედი, რომ თოვლის ბაბუა კვლავ შემოგიძლია თავის კეთილი სურვილებითა და საახალწლო საჩუქრებით.

შენს ლოდინში ვიყავით მთელი წელიწადი ანუ, მას შემდეგ, რაც ჩვენგან წადი. ახლო წელი! შენი გამარჯვებისა იყოს და შენი მობრძანებისა. უფლისგან დალოცვისა, უფლისა ნებისა! მადლობას გიხდით—იმედით დაგვიხვდით! ძალას გვეცხროს შენი ყოველი შემოდახილი!—მოკეთისადმი ნუგუშისცემამ, მტრისათვის—მახვილი. ახლო წელი, გმადლობთ, რომ სიხარული მოგვგვარე, რომ დაგვლოცე და დაგვილოცე კეთილ-მოყვარე!

ბპირაძეებში: ვიღვანებთ სამშობლოს იმედად, როგორც ვიწოდით—იმაზე მეტად! სამშობლოსათვის კვლავ გავირჯებით, წინ, სულ წინ ვივლით მხნე ნაბიჯებით—მარცვალს დავთესავთ, ხეს დავრგავთ და ვასარებთ, წინსვლას არ შევანებებთ, არ დავახანებთ. ახლო წელი, გვივლებ შენს გვერდით, ბურჯად-საყრდენად. ღირს ჩვენი მამული გარჯად და ოფლის საღვრელად. სიყვარულით, ნუგზარ გამყრელიძე

საახალწლო სურვილები სამშობლოსადმი

გვიხარია, რომ ჩვენი სამშობლო მზის მხარეა და ჩვენი ხალხის სალოცავი. ვლოცულობთ მოყვასის სიკეთისათვის. ვიღწით, რომ ჩვენი სამშობლო გამთლიანდეს. რომ კვლავ ომახიანად ისმოდეს „ოდოია“ და „ოროველა“, „ჩაკრული“, „მრავალჟამიერი“... ავი და ცუდი აცილოს ზენარმა ჩვენს მამულს... ორგულსა და ავადმზრახველს რა დალევს, მაგრამ ქედი არ უნდა მოვუხაროთ, უნდა ვავრძობინოთ ვისი გორისანი ვართ!

კროსვორდი თოვლის ბაბუა თერჯოლაში

Crossword puzzle grid with numbered squares. The grid is 20 rows by 18 columns. The starting letters are: Row 1: 1. თ; Row 2: 2. მ; Row 3: 3. ვ; Row 4: 4. ლ; Row 5: 5. ი; Row 6: 6. ს; Row 7: 7. ბ; Row 8: 8. ა; Row 9: 9. ბ; Row 10: 10. უ; Row 11: 11. ა; Row 12: 12. თ; Row 13: 13. ე; Row 14: 14. რ; Row 15: 15. ჯ; Row 16: 16. მ; Row 17: 17. ლ; Row 18: 18. ა; Row 19: 19. მ; Row 20: 20. ი.

1. ჩვენი ქალაქი. 2. ატმოსფერული ნალექი. 3. საახალწლო საზეიმო... 4. პირი, რომელიც ახალი წლის დილით პირველი შედის ვინიმე ოჯახში და ულოცავს ახალი წლის დადგომას. 5. ორთვიანი ნაქსოვი ჩანთა მხარზე გადასაკიდებელი, რომელიც თოვლის ბაბუს საჩუქრებია მოთავსებული. 6. ლერწმისაგან გაკეთებული ხალხური საკრავი. 7. ქრისტეს დაბადების რელიგიური დღესასწაული. 8. ხის სარწვევი საწოლი. 9. საღმრთო წიგნი. 10. ღვინო, რომლითაც ხვდებიან ახალ წელს. 11. ქართული ხალხური სიმღერა. 12. გემრიელი პროდუქტი, რომელსაც ფუტკარი იძლევს. 13. სუფრაზე ვისიმე დღევანდელთვის წარმოთქმული სიტყვა და შესული სასმელი. 14. დასვენების დღე. 15. მოდგმა ანუ... 16. ვაზის ჯიშო. 17. „სადაც უნდა ვიარო ღვინოს დამატებენ“—სტრიქონის ავტორი. 18. წინწკლიანი მცენარე, ანუ... 19. ვერ ნახავ ადამიანს ეს ნუგზარი რომ არ უყვარდეს. 20. ჯონი ბურბუშელასებრ ანათალებით, მორთული ტკბილითა და ხილით.

წინაპართა ნაკვალევზე—ღვინო „სერაპიონი“ და „სერაფიმა“

2023 წლის 22 ოქტომბერს, „თერჯოლოზაზე“ მუნიციპალიტეტის ყველა სოფელს უხვი სუფრა და საუკეთესო ღვინოები ჰქონდა წარმოდგენილი, გაუჭირდათ დეგუსტატორებს, მაგრამ წესი წესია და აირჩიეს საუკეთესოთა შორის საუკეთესო და გამარჯვებულიც გამოვლინდა. ერთ-ერთ ნომინაციაში „საუკეთესო ციცქა“ გამარჯვდა სიქთარვის ღვინომ, ქორიაშვილების საოჯახო მარნიდან „სერაპიონი“.

სერაპიონ, ფარნაოზ, გიორგი ქორიაშვილები, უფრო შორეული წინაპრებიც მევენახეობა-მეღვინეობას მისდევდნენ, მათ საკუთრებაში ჰქონდათ მინის ნაკვეთები და ძირითადად სხვადასხვა ქართული ჯიშები: ციცქა, ცოლიკაური, კრაზუნა, ოცხანური

დნენ ახალ ვენახებს, კვლავ ტრადიციულ ჯიშებს, ბაბუა სერაპიონს რომ უყვარდა ისეთს—ციცქას, ცოლიკაურს, ოცხანურს...

ექვსი შვილი გაზარდეს სერაპიონმა და მისმა ღირსეულმა მეუღლემ სერაფინა ნებიერიძემ, ექვსივე სასახლო და პატიოსანი

მაღალხარისხოვანი ღვინის ჩამოსასხმელად.

თანდათან ფართოვდება საოჯახო მეურნეობა, აწარმოებენ 2000 ბოთლ საუკეთესო ღვინოს, რომელსაც მონაწილეობა აქვს მიღებული სხვადასხვა სახის გამოფენებში, კონკურსებში. საკმარისად არც 1500 ძირი სრულმსხმოიარე ვენახი მიაჩნიათ. გეგმავენ კიდევ ამდენივე გააშენონ.

გარდა ბოთლებში ჩამოსხმული ღვინისა აქვთ ჭურში, ბოცებში დაყენებული.

ბაბუა სერაპიონის ნაქონი ზოგიერთი ღვინის გადასაღებ-გადმოსაღები მონყობილობა, აღარ სჭირდებათ, მაგრამ ვერ ელევინ და უფრთხილდებიან, როგორც რელიქვიას. დავრწმუნდი, რომ სიტყვას საქმეს მოაყოლებენ ქორიაშვილები და გაამეხებენ ახალ ვენახებს, მითუმეტეს, რომ გასაღება არ უჭირთ, არც თუ იშვიათად სტუმრობენ უცხოელებიც. აქაც და ყველა საქმეში მას გვერდით უდგანან მეუღლე თეა, რძალი თეონა, შვილიშვილები: თენგიზი, ზაზა, მარიამი, ელენე.

როცა ორ საუკუნეზე მეტი ხნის ამბებს წინაპრების მე-5 თაობა გიყვება და რომელსაც წინაპრების სურათები ტელეფონში უდევს, სითბო გედვრება გულში.

ამ თაობას—თენგიზ ქორიაშვილის შვილს გიორგი ქორიაშვილს უყვარს სიცოცხლე, ოჯახი, მეგობარი, სამუშაო, ყველაფერი ღირსეული, ამალღებული, კეთილშობილი და ზნეობრივი. აქვს საახალწლო სურვილები: დაგვებდოს ჭეშმარიტი რწმენის სიმტკიცე, ენის სინამდვილე, სულის სინათლე, მრავალშვილიანობა, მშვიდობა ოჯახში, ქვეყანაში, გვექონდეს ერთგულება ღვთისადმი, სიკეთისადმი, სიმართლისადმი, ერისა და ოჯახისადმი, სათნოებამ დაიდოს ბინა ჩვენს გულებში, მადლობა ვუთხრათ უფალს იმ სიხარული-სათვის, რაც მოგვანიჭა გასული წლის მანძილზე, ვუმადლოთ მწუხარებისათვისაც, თუ წილად გვრგო.



ჰქონდათ გაშენებული, მოწყალებით სოფლის მეურნეობის სხვა პროდუქტებიც.

ადამიანი, ტრადიციის მიმდევრები და ოჯახის სინამდის დამცველები.



მე შევხვდი ოჯახის რამდენიმე წევრს და დავინყე შთამომავალთა „აღრიცხვა“. მათ კი მითხრეს, მაგრამ მე ამერიკა სათვალავი.

წინაპრებს ღია ჭურისთავი ჰქონდათ, ოჯახის ერთ-ერთმა წევრმა, ჯერ კიდევ ახალგაზრდა კაცმა თენგიზ ქორიაშვილმა დიდი წინაპრის, თავის დროზე ერთ-ერთი გამორჩეული მევენახე-მეღვინის სერაპიონ ქორიაშვილის და მისი მეუღლის სერაფინა ნებიერიძის პატივსაცემად დააარსა საოჯახო მარანი „სერაპიონი“.

2019 წელს, ბაბუა სერაპიონი გახდა შთაგონება შექმნილიყო ეს მარანი, გავგრძელებინათ ტრადიცია და შეექმნათ უკეთესი. მოახყვეს

დიდი, ძლიერი და გამართული ოჯახი ჰქონდათ, ღია ჭურისთავი, სხვადასხვა ზომის ჭურებით—40-160 ვედრომდე ჩასავლის და ყველაზე პატარა ერთ ჩაფიანიც.

ოჯახის ყველა სრულწლოვანმა წევრმა იცოდა ვენახის გაშენების და მოვლის წესები. ჰქონდათ ყველა საჭირო მონყობილობა: ვოდრები, კალათები, ძარები, ორშიმოები, ხის დიდი და პატარა სანახელი.

ყურძენს არჩევდნენ ჯიშისა და ხარისხის მიხედვით, იღებდნენ წინა წვენს, შუა წვენს, ბოლო წვენს და ნაქაჩ წვენს და დგებოდა ღვინო „კეთილი, კარგი, მაგარი, გემოიან-სუნიანი მრავლად“.

აშენებდნენ ახალ ვენახებს, ემატებოდა ოჯახს სხვაი და ბარაქა. შრომაში, ერთმანეთის პატივისცემასა და სიყვარულში გადიოდა დრო...

კერძო საკუთრებაში არსებული ვენახები ქორიაშვილებსაც ჩამოერთვა, მაგრამ ოჯახს ვაზთან და ღვინოსთან ურთიერთობა არ შეუნწყვეტია.



საღვინე სახლი, შემატეს ახალი, გამოსანთლული ჭურები, სახელმწიფოს დახმარებით პროგრამით „ანარყო საქართველოში“ მოიპოვეს გრანტი და შეიძინეს მონყობილობები, რაც საჭიროა

საქართველოს, თერჯოლას მინდა ვუსურვო მშვიდობა, მომავლის რწმენა, ქვეყნის გამოღიანება, ყველა მოქალაქის ჯანმრთელობა, სიცოცხლე, სიხარული, სხვაი და ბარაქა...

საბა და ივა

ღვინის ფესტივალი თერჯოლაში პირველად 2013 წელს ჩატარდა. ყველა, ვისაც საამისო შესაძლებლობა ჰქონდა, სურათს იღებდა, ალბეჭდადნენ საოცარ სანახაობებს თავისთვის, გასაზიარებლად, შესანახად, რედაქციაშიც დაგროვდა კადრები, მაგრამ სოფელ ღვანკითის ე.წ. „კუთხეში“ გადაღებული ხის სანახაელი, ყურძნის წურვის პროცესი და იქვე ტკბილის ალება ჩურჩხელების ამოსავლებად, შთამბეჭდავი იყო.

განსაკუთრებით მოხიბლა დამსწრე საზოგადოება ყურძნის მწურავმა ბიჭებმა. რედაქციელებმა ამ პატარა ბიჭებს, პირობითად „ბიჭები სანახაელში“ დავარქვით და ეს ფოტო, წლების შემდეგ, 2023 წლის 22 ოქტომბერს, „თერჯოლოზის“ ამსახველ მასალასაც დავურთეთ და გაჩნდა ინტერესი—ვინ არიან, სად არიან ეს ბიჭები, მაშინ 7 თუ 5 წლისანი.

ისინი, ღვანკითელი ძმები საბა და ივა კვახაჭელიძეები აღმოჩნდნენ.



საბა კერძო სკოლა „მზეკაბანის“ მე-11 კლასის მოსწავლეა, ივა ამავე სკოლის მე-9 კლასისა. შესაბამისად, ახლა 17 და 15 წლისანი.

ძმებს სკოლაში შევხვდი, აღმოჩნდა, რომ მათ ასოვთ ფესტივალიც, ყურძნის წურვის პროცესი და ისიც, არაყოველღიური ტანსაცმელი რომ შეურჩიეს, გამარჯვებულმა ღვანკითელებმა სამსხოვრო საჩუქრები რომ წაიღეს, ასოვთ ზოგიერთი სხვა დეტალიც. მეც გავახსენე ზოგი რამ. ბიჭები სასიამოვნო მოსაუბრეები აღმოჩნდნენ, კარგად სწავლობენ, პედაგოგებიც დადებითად ახასიათებენ, კარგ მომავალს უწინასწარმეტყველებენ. საბას და ივას თვითგამორკვევის—საკუთარი თავის და ადგილის პოვნის პროცესი დამთავრებული აქვთ, უკვე იციან რა გზას აირჩევენ და როგორი ცხოვრება უნდათ, იმედოვნებენ, რომ უმალეს სასწავლებელში, სასურველ პროფესიებზე პირველსავე წელს ჩაირიცხებიან—კომპიუტერულ ტექნოლოგიებს დაეუფლებიან.

დაახ, გაიზარდნენ ბიჭები, ახლა ორივემ იცის ღვინის ფესტივალის და 2023 წელს „თერჯოლოზის“ ჩატარების მნიშვნელობა და მევენახეობა-მეღვინეობის ფასი, რომ იგი არ არის მარტო ეკონომიკური მდგომარეობის გაუმჯობესების საშუალება, რომ ქართული ღვინის მწარმოებლებსაც გააქვთ საქართველოს ღირსება მსოფლიოს ქვეყნებში. იციან თერჯოლაში ცნობილი მევენახე-მეღვინეები, კითხვაზე—რა გრძნობა დაგეუფლათ, როცა ათი წლის წინ გადაღებული თქვენი ფოტო იხილეთ, თქვეს, რომ ძველი გაზეთიც შენახული აქვთ და ახალიც...

სხვა რა ვთქვა—სანაქებო ახალგაზრდები დამდგარან, მეურნე კაცის ტანსაცმელში გამოწყობილი ბიჭები. 10 წლის მეურ ისევ გადავიღეთ რედაქციის თანამშრომლების საყვარელი ბიჭები, დააკვირდით ფოტოს რა კარგები არიან, რა გარეგნობა აქვთ, მაგრამ ის ფოტო, ფოტო ყურძნის წურვისა, მაინც დარჩება ერთ-ერთ საუკეთესოდ.

სანახაელი იმერეთში ნაბლის ან ცაცხვის მთლიანი ხისგან მზადდებოდა, იყო მოზრდილი სანახაელი და მომცრო, მომცროს „ონჯარო“ ჰქვია—წერს ივანე ჯავახიშვილი—სანახაელი, რომელშიც საბა და ივა 10 წლის წინ ყურძენს წურავდნენ—დღესაც ინახება. იგი „ონჯარო“—მომცრო სანახაელი.

გვერდის ავტორი შუშუნა ცხალაძე

„საქართველო უპირველეს ყოვლისა“...

ასე ჰქვია აქტივობას, რომელიც გურამ ქარქაშაძის სახელობის ღვანკითის საჯარო სკოლის მერვეკლასელებმა საჯარო ბიბლიოთეკის საბავშვო განყოფილების დარბაზში, ბიბლიოთეკასთან და აღმზრდელ პედაგოგებთან ერთად, წარმოადგინეს. აქ არიან მოწვეული სტუმრები, მოსწავლეთა მშობლები, პედაგოგები. ღამაზი წუთების მოლოდინში გარინდებულია მყუდრო დარბაზში. ახლა, როცა ყოველი დღე, ყოველი წუთი გვაახლოებს ნა-

ცდისა და სიხარულის აღმავრენის ტოლფასია, სწორედაც... ღონისძიება კლასმა დამრიგებლის, ეთერ ტურავას ორგანიზებით, სცენარითა და მისივე ჩართულობით მოამზადა. „ის ჩვენთან ცხოვრობდა, ჩვენს შორის დადიოდა... ჩვეულებად ჰქონდა თბილისის ქუჩებში უქმად ხეტიალი—მზეში, წვიმაში, ქარში, მის დამძიმებულ სხეულს, გემის ბაქანზე მოსიარულე ალბატროსივით, თითქოს ზღვის „მსუბუქი ზვირთები“ აქანავებდნენ აქეთ-იქით.

მილი. ძნელი იყო გაგება დაგვიწოდოდათ თუ ალერსსა და სიყვარულს ითხოვდა. ახალგაზრდები სიამოვნებით უჩერდებოდნენ მას, ცნობისმოყვარეობით ათვალთქმებდნენ და თავაზიანად იღიმებოდნენ მის ირონიულ შენიშვნაზე. მათ არ სჯეროდათ, რომ ეს იყო მეფე-პოეტი, მათი ფიქრისა და ოცნების მესაიდუმლე, „მთაწმინდის მთვარის“ ავტორი. საოცარი ბედი ხვდა წილად ამ კაცს, მას ვეღარ ცნობდნენ თვით უახლოესი ადამიანებიც კი, რადგან იგი მიუწვდომელი იყო მათი ჩვეულებრივი მხედველობისათვის.

მხოლოდ სიკვდილმა დაუბრუნა თავისი სახე და ვიდრე მინას მიაბარებდნენ, ადამიანებმა კვლავ იხილეს და იცნეს იგი, რალაც იდუმალი შუქით შიგნიდანვე განათებული. მართლაც სიმღერებით მიძინებული მეფე-პოეტს ჰგავდა და მის სასთუმალს თავს დასტრიალებდა ყველა მშვენიერი ზმანება, ყველა სახე და აჩრდილი მისი პოეზიისა... გალაკტიონ ტაბიძე სიცოცხლეშივე იქცა ლეგენდად... პოეტის მდულარე სულის ძახილით შევიცანით ქართველებს სისხლხორცეული თვისება—თავისუფლებისათვის შეუჩერებელი სწრაფვა...“ ხაზი

გაევსა, რომ პოეტის შემოქმედებაში სამშობლო უმთავრესია. შემდეგ იყო „დროები ჩქარა“, „რა რიგ კარგია სამშობლო“, კომპოზიცია „მშობლიური ჩემო მინაჲ“, „პოეზია უპირველეს ყოვლისა“, „მამული“, „სამშობლოს“, „ქარი ქრის“, „მთაწმინდის მთვარე“, „ვერვები“, „ახალგაზრდობას“, „უსიყვარულოდ“ და ასე შემდეგ და ასე შემდეგ. იყო მინიშნება: გალაკტიონის სტრიქონებში როგორ გამოიკვეთა რაინდული იდეალი ჩვენი ახალგაზრდობისა: „სული გვექონდეს უსპეტაკეს თოვლისა“ და საქართველოს სათუთი სიყვარული „ცვიან ბალახზე თუ ფეხშიშველა არ გაიარე, რაა მამული?“



ნატრი და სასურველი ახალი წლის შეხვედრის სიხარულთან, გალაკტიონისა და მისი ჯადოსნური სტრიქონების მოხმობა, უკვდავ და მრავლსმეტყველ პოეზიასთან ზიარება, რომელსაც შეიძლება თამამად ითქვას, მსოფლიო პოეზიაში ბადალი არ მოეპოვება ზეალმატებული გან-

დიახ, თბილისს დღემდე კარგად ახსოვს მისი ნერვიული ნაბიჯები, მისი უცნაურად ატოკებული მიხვრე-მოხვრე. უყვარდა ქუჩაში გამვლელის გაჩერება, მათთან მსუბუქი საუბრის გაბმვა. ოდნავ შემუბუბულ სახეს ამკარად სერავდა დაძაბული ღი-

ვისასალმებელია, რომ მოსწავლეები ზეპირად გადმოსცემდნენ გალაკტიონის ლექსებს, პარალელურად ეკრანზე პოეტის ფოტოები, დროდადრო მის ლექსებზე დაწერილი სიმღერები სრულდებოდა, რომელიც ძალიან შეიყვარა ქართველმა მსმენელმა. ითქვა, რომ გალაკტიონ ტაბიძე, იყო თავისი ეპოქის სწორუპოვარი ლირიკოსი, როგორც ანკარა წყაროს, ისე ენაფებოდნენ ახალგაზრდები მის ლექსებს, რომლებშიც იყო ყველაფერი: ოცნება, სიხარული, იმე-

დი, სევდა, ლოდინი, თავდავიწყება, სიყვარული, ვნება, ეჭვი და სიამაყე—ყოველივე ის, რაც ასე აუცილებელია ახალგაზრდა ადამიანის სულისათვის. „გამარჯობა, აფხაზეთო შენი!“ გალაკტიონის ამ უღამაზესმა ლექსმა, სიმღერამ, კლიპმა თითოეულისათვის მტკივნეული თემა შემოიტანა ღონისძიებაში. კადრები, რომელიც მონიტორზეა და რომელიც სოხუმისაკენ დაძრული ადამიანების სინანულს, უსაყვარლესი მშობლიური ადგილის დედის მონატრების ტკივილს ამძაფრებს გულგრილს არავის ტოვებს. ლექსში არის იმედიც: „დრო ყველაფრის მკურნალია იცოდეთ და შენამდე არც თუ ისე შორია“... ღმერთმა ინებოს.

ერთი დიდი სიამოვნება გალაკტიონისე წაკითხული ლექსების მოსმენა იყო. ღონისძიებას დიდი ხიბლი და შინაარსი შესძინა კლასის ქართული ენისა და ლიტერატურის პედაგოგის, მაღიმე დოლაკიძის ჩართულობამ, მან ჯერ ლექსის „ქებათა ქება ნიკორწმინდას“ დაწერის ისტორია გაიხსენა, ხოლო შემდეგ მისეული ხელოვნებით წაკითხულით სიამოვნება მიანიჭა მაყურებელს. მერვეკლასელთა ღონისძიებას სკოლის დირექტორი, ინვაჯალიაშვილი ჭ 13

სიკეთის შუქი თვალეებში...

„მთავარი სხვა არის, მთავარია, ადამიანებს რაც შეიძლება დიდად ხანს შევეუნარჩუნოთ სამყაროს საოცრება—სიკეთის შუქი თვალეებში“—წერდა ყველაფრისაზე საყვარელი შემოქმედი, მწერალი რევაზ ინანიშვილი. ეს არ თქმულა მხოლოდ ღამაზი სიტყვებისთვის... სულსა და გულს რომ გაავითბობს, სამყაროსაც შეგავყვარებთ, საკუთარი თავის შეცნობაც გაგაადვილდება, ასეთია მისი შემოქმედება.

20 დეკემბერს მწერალს დაბადებიდან 92 წელი შეუსრულდებოდა, მან კი სამწუხაროდ, 63 წლის ასაკში 1991 წლის მიწურულს, ქვეყანაში ავადსახსენებელი, სამარცხვინო ძმათამკვლელი ომის დროს დაასრულა წუთისოფელი და თითქოს მისთვის სრულიად მიუღებელ, ჰუმანიზმისგან და სიყვარულისგან დაცლილ სამყაროს განერიდა.

20 დეკემბერს, თერჯოლის საჯარო ბიბლიოთეკაში, მწერლის დაბადების დღე აღინიშნა. ღვანკითის საჯარო სკოლის მეხუთე კლასის მოსწავლეებმა, ქართული ენისა და ლიტერატურის პედაგოგის მაღიმე დოლაკიძის ორგანიზებით მომზადებული უღამაზესი ღონისძიებით პატივი მიაგეს მწერლის ხსოვნას. „რევაზ ინანიშვილის ნაწერები გამოირჩევა პოეტური ენით, მდიდარი ლექსიკით და სიკეთით. ბოროტებას თითქმის ემინია მის მოთხრობებში გამოჩენისა, თითქოს არც არსებობს და თუ თავს წამოჰყოფს სადმე, დარცხვენელია და საცოდავი“—წერდა ვახუშტი კოტეტიშვილი. რევაზ ინანიშვილი, რომ სიკეთის, სიყვარულისა და მეგობრობის მომღერალია ეს ყველა

დასმული პრობლემებისა და მათი გადაჭრის გზების შესახებ. კარგად მომზადებული სხვადასხვა აქტივობით დატვირთული სცენარი პატარების მრავალმხრივ შემოქმედებით სფეროებსაც გვიჩვენებს. საუკეთესოდ მღერიან, ცეკვავენ, სამსახიობო შესაძლებლობებიც გვიჩვენებს ღამაზი ინსცენირებით, წერილებიც მისწერეს პერსონაჟებს, ესტუმრენ კიდევაც და იუმორით გაჯერებული ნომრებიც შესთავაზეს მაყურებლებს. ღონისძიებაში ოსტატურად გაჟღერდა კარსმომდგარი ახა-

ზე აბსოლუტურად თავისუფლად დგომა და მოქმედება. ყველაფერს თავად აკონტროლებდნენ, მართავდნენ საკუთარ თავსაც და ერთმანეთსაც... საკმაოდ მოზრდილ ტექსტებს, მწერლის მოთხრობებს, რომელსაც ღონისძიების მონაწილეები ზეპირად გადმოსცემდნენ არა თუ მათი აზროვნებისა და სამეტყველო ლექსიკის გამდიდრებას ემსახურება, არამედ მასში ჩადებული სიკეთის, სიყვარულისა თუ სიბრძნის „გაკვეთილები“ მთელი ცხოვრების მანძილზე გაჰყვება ერთგულ „მეგობრად“, „დამრიგებლად“,

გავლენიანად, რათა სხვა ღირებულებები თავისთავად ჩამოყალიბდეს მათ სულში და მართლაც რევაზ ინანიშვილის სამყაროში შებიჯებისთანავე ხედებიან ბავშვები თუ რას ნიშნავს სიკეთე, უბრალოება, სიღამაზე... ღონისძიების მიზანიც ეს იყო, ყველაზე მნიშვნელოვანი ადამიანური ღირებულებების: სიკეთის, სიყვარულის, ერთგულების, პატივისცემის, პასუხისმგებლობის, შრომისმოყვარეობის გავლენა პატარების გულეებში. ინანიშვილის სიტბოთი და სიყვარულით გაჯერებული მოთხრობების

ლაშა გოგიაშვილის სახელობის თასი

15-17 დეკემბერს თერჯოლის სპორტის სასახლეში გაიმართა ლია ტურნირი...



ლაშა გოგიაშვილის თასი, რომელიც ხარაგაულელ ლუკა კურტანიძეს მუნიციპალიტეტის მერმა მანუჩარ რობაქიძემ გადასცა.

თერჯოლელ სპორტსმენთა გასული წლის მონაგარი

გასულ წელს თერჯოლის სპორტსკოლის აღსაზრდელებმა საერთაშორისო, რესპუბლიკურ, სხვადასხვა სახელობით, რეგიონალურ და ადგილობრივ ტურნირებზე მობილურად 40 ოქროს, 45 ვერცხლის და 81 ბრინჯაოს მედალი.

წლის 10 საუკეთესო სპორტსმენი

- გეგა გაბრიჭიძე—ჭადრაკი, მწვრთნელი მერი ჩაფიჩაძე;
ნიინი ნივნივაძე—ჭადრაკი, მწვრთნელი გია ჭუმბურიძე;
საბა სულამანიძე—ძიუდო, მწვრთნელი ლერი რობაქიძე;
ზურაბ ბოჭორიშვილი—სამბო, მწვრთნელები: მალხაზ თურქაძე, ლერი ჯიხვაშვილი;
იური ჩაფიძე—ბ / რ ჭიდაობა, მწვრთნელები: გეგა ჩაფიძე, დიმიტრი გურგენიძე;
გიორგი რობაქიძე—კარატე—მწვრთნელი ირაკლი ლონდაძე;
ოთარ ჯაბიძე—ქართული ჭიდაობა, მწვრთნელი ზურაბ გავაშელაშვილი;
გიორგი აბუხანდაძე—უშუ, მწვრთნელი გიორგი კირკიტაძე;
ირინა გენაძე, ბარბარე მარუაშვილი—აკრობატიკა, მწვრთნელი ლალი დიაკონიძე;
გიგა ცქიფურიშვილი—ფეხბურთი, მწვრთნელი რამაზ გურაბანიძე.
მომავალი წარმატებები ვუსურვოთ მათ!

ვალერი გოგნაძის სახელობის ტურნირი

გაიმართა რუსეთ-საქართველოს ომში ტრაგიკულად დაღუპული, ჩვენი დროის გმირის, ვალერი გოგნაძის სახელობის ტურნირი...

„ფეხბურთი მარტო სპორტი არ არის, ის ამავე დროს საზოგადოების უმნიშვნელოვანესი სოციალური მოვლენაა...“

ფეხბურთის ფედერაციის პროექტის მიზანი იყო, გაეხარებინათ ღვანკითელი ნორჩი ფეხბურთელები...

ღვანკითის საჯარო სკოლა



სახალწლო მილოცვა

ადამიანი როცა წარსულზე ფიქრობს, უკეთ გრძობს ანმეოსაც და მომავალსაც. ანმეო ცვალებადია, მომავალი უცნობი.



წარსულიც საამაყო გაქვს, ჩემო თერჯოლა, დღევანდელიც მოძრავი და ხმაურიანი და მწამს, მომავალიც წარმატებული გექნება.

კიდევ მეტად განათებული და გაბრწყინებული, დახატული და ნაირფერადი, ღიმილიანი და შუქმფინარი, აშენებული და დამშენებული, ამაყი და ლალი და, რაც მთავარია, ჯანმრთელი და ბარაქიანი მენახე კვლავაც დედასამშობლოსთან ერთად.

მუდამ თქვენი ერთგული ბაქა ბუილიშვილი დეკემბერი, 2023 წ.

მილოცვა ახალ წელს დაბადებულთ...

ჩვენთვის ცნობილი გახდა, რომ ახალთერჯოლელი ბესო ცხადაძე ახალ წელს არის დაბადებული.

იმედი და სიხარული, ბედნიერება, შვილთა სიმრავლე, ვიყოთ ჯანმრთელნი, გვიხაროდეს სიცოცხლე, ვისურვებ მშვიდობას, სიკეთეს, სიყვარულს, ღმერთმა დალოცოს ჩემი თერჯოლა და მთელი საქართველო...

შუშუნა ცხადაძე

გოგი მაკარიძე—მომილოცნია ახალი წელი

კრიალოსნის მძივებით ჩამომარცვლა 2023-ის დღეები და მოვიდა ახალი 2024 წელი, ახალი იმედების, ახალი ოცნებების ახდენის წელი.

ყველასათვის, დიდი თუ პატარა, მოხუცი თუ ახალგაზრდა, სასიხარულო და საზეიმო ახალის შემობრძანება.

რა კარგია, რომ ნანატრი მშვიდობა გვაქვს ბოლო წლებიდან, ქვეყანა დანდნარდა და დაბომბვებისა, თანდათან ვითარდება ეკონომიკურად, პრიორიტეტულია რეგიონის განახლება, სოფლის აღორძინება და კეთილმოწყობა...

ახლახანს ევროკავშირის წევრობის კანდიდატი ქვეყნის სტატუსიც მივიღეთ. მეამაყება და მიხარია, რომ როგორც ეს მაღალი ტრიბუნებიდან ბევრჯერ ითქვა—„საქართველო

თავანულო, თავისი მდიდარი ტრადიციებითა და ღირებულებებით გააგრძელებს სვლას ევროპული ოჯახისაკენ.

მაქვს დიდი იმედი, რომ სულ უფრო მეტი ასპარეზი გადაიშალა ახალგაზრდობისათვის პირადი ცხოვრების მოწყობისა და ქვეყნის აღმშენებლობის საქმეში.

სხვას რომ მოძღვრავ კაცი, თავად უნდა იძლეოდეს ამის მაგალითს, ისე წყლის ნაყვად გამოვა შენი ნაუბარი.

არ მინდა თავის ქებაში ჩამომერთვას, მაგრამ ერთი კაცის გასაკეთებლს ნამდვილად ვაკეთებ. ჩემი და ჩემი ოჯახის სამუშაო დღე ადრე ილიდან იწყება და გვიან ღამით მთავრდება.

ოჯახი შევქმენი და მუშაობ გვანცა ხურციძესთან ერთად სიამტკილობით ვენევით საპატიო ჭაპანს.

ღმერთმა ყველას იმედები აგვიხდინოს, ძვირფასო თანამემამულენო!

ახალი წელი ახალ სახლში

ყოველ დღეს, რაღაც ახლის მოლოდინში ვართ, ასეა მომდევნო დღეს და მთელ წელს. 2023 წელიც უკვე წარსულია, ზოგი დღე მნიშვნელოვანია, განსაკუთრებული შნო და ღაზათი აქვს, ზოგიც შეიძლება არ იყოს სასურველ-სასიხარულო, მაგრამ ახალ წელს იმედით, უკეთესი მოლოდინით ვხვდებით.

რობით რძლიან-სიძეებიან და შვილებიანად თორმეტნი არიან... თანდათან გამარჯვლდებიან და სიბერეში ბადრის და მაიას, შეიძლება შთამომავალთა სათვალავიც კი აერიოთ.

ბედნიერების მომტანს, სახლში ჯირკს შეიტანს და იტყვის—შემოვდგი ფეხი, გწყალობდეთ ღმერთი, წმინდა ბასილი, პურმარლით იყავით ალვისილი, მერე მეფეხურიც მოვა, საგანგებოდ შერჩეული...

ახალი წლის ღამეს...

როგორც ყველგან, ამ ოჯახშიც ახალი წლის სუფრა ორჯერ იშლება—პირველ და თოთხმეტი იანვარს. ბევრი გვაქვს თუ ცოტა, ახალი წლის სუფრა უხვია, ბადრის ოჯახში ძველთაგანვე იცავდნენ ტრადიციებს, ასეა ახლაც. პირველად ბასილს, მტევანს და რქას აცხობენ, ბასილაზე ვვარს, მტევანზე ყურძნის მარცვლებს ტვიფრავენ, რქას რგოლს უკეთებენ.

ასე იყო წელსაც, ოღონდ ახალ სახლში.

სამადლობელი


ბადრი და მაია, მთელი ოჯახი ბედნიერი. ახალ სახლში გატარებულმა ახალმა წელმა დიდი სიხარული მიანიჭათ, შემდგომი წლებიც ასეთი და უკეთესი იქნება, თანდათან თვითონაც შემატებენ ოჯახს, რაც აკლიათ და რაზეც ოცნებობენ.

მადლობლები არიან ბრეგაძეების ოჯახის წევრები მუნიციპალიტეტის მერიის, მერის ბატონ მანუჩარ რობაქიძის, ადგილობრივი წარმომადგენლის, მაჟორიტარის დეპუტატის, მშენებლების, ლოცავის ყველას, ვინც მათ ოჯახს ბედნიერება მიანიჭა.

შუშუნა ცხადაძე

ბრეგაძეების მრავალსულიანი ოჯახი

ხუთი შვილი გაიზარდა ნახშირღელელ ბადრი და მაია ბრეგაძეების ოჯახში. გოგონები გათხოვდნენ, ბიჭებმა ოჯახი შექმნეს და გაიფანტნენ, მაგრამ ყველას კავშირი აქვს სოფელთან, ოჯახთან, გამრავლდნენ, ჯერჯერ



ჰოროსკოპის მიხედვით 2024 წელი დიდ ცვლილებებს მოიტანს

ჩინური ზოდიაქო, ჩინური კულტურის განუყოფელი ნაწილი, ყოველწლიურად ასოცირდება ზოდიაქოს თორმეტი ცხოველიდან ერთ-ერთთან: ვირთხა, ხარი, ვეფხვი, კურდღელი, დრაკონი, გველი, ცხენი, თხა, მაიმუნი, მამალი, ძაღლი და ღორი.

ამ ზოდიაქოს მიხედვით 2024 დრაკონის წელია, რომელიც 2024 წლის 10 თებერვლიდან 2025 წლის 28 იანვრამდე გაგრძელდება.

დრაკონი ჩინურ ასტროლოგიაში პატივსაცემი სიმბოლოა—ცნობილია თავისი ძალით, სიბრძნითა და წარმატებით. გამოჩნებისას არც დრაკონის მომავალი წელი იქნება—ის ტრანსფორმაციის, ზრდისა და სიმრავლის წლად ითვლება.



როგორი იქნება ზოდიაქოს თითოეული ნიშნისთვის დრაკონის წელი—2024

ვერძი (21 მარტი -20 აპრილი)
თქვენთვის მრავალი შესაძლებლობა გაიხსნება. უნდა იყოთ მზად, მიიღოთ გამოწვევები, რომლებიც გზაზე შეგხვდებათ. გაჩნდება შესაძლებლობები - ერთ-ერთი იქნება ისეთი, რომელიც დასაბამს მიცემს პერსპექტიულ და სასარგებლო ნაცნობობას.



არ მოერიდოთ ექსპერიმენტებს ამ კუთხით - ოღონდ ექსპერიმენტები წინდახედულებით უნდა გამოირჩეოდეს. ეს შემოსავლების გაზრდის ალბათობას მოგცემთ.

კურო (21 აპრილი - 21 მაისი)



დრაკონის წელი კუროებისთვის იქნება როგორც წარმატებების, ისე გამოწვევების წელი. მოგიწევთ სირთულეებთან და შეცდომებთან შეჯახება. თუმცა, არ უნდა შეგეშინდეთ - ასეთი გამოწვევები აუცილებელი რესურსების მობილიზებას მოახდენს თქვენში. გამოწვევების გარდა, დრაკონის წელი არაერთ ბედნიერ მომენტს, საქმეებში წარმატებულ შედეგს გაჩუქებთ. თქვენი შრომისმოყვარეობა ნაყოფს გამოიღებს.

ტყუპები (22 მაისი - 21 ივნისი)



2024 წელს დადებითი ცვლილებები გელოდებთ პირად ცხოვრებაში და ოჯახში. თქვენი გულგახსნილობა ნაყოფს გამოიღებს—გაჩნდება ახალი ნაცნობები, საურთიეროობო წრე გაფართოვდება და უფრო საინტერესო გახდება. თუმცა, პოპულარობამ თქვენი ყურადღება არ უნდა მოადუნოს—არ უნდა მიუშვათ ოჯახისა თუ სამსახურის საქმეები, გადაუჭრელი პრობლემები. ნუ გადადებთ საქმეებს—იყავით ორგანიზებული და სისტემატური.

კირჩხიბი (22 ივნისი - 22 ივლისი)



დრაკონის წელი კირჩხიბებს ბალანსს გაირდებთ. სწორად გექნება შინაგანი ჰარმონიის განცდა საკუთარ თავთან და ირგვლივ მყოფებთან. თუ ამ მდგომარეობის შენარჩუნებას შეძლებთ - არ გალიზიანდებით წვრილმანებზე, იმუშავებთ თქვენს თავზე და თავშეკავებული იქნებით - ცხოვრების სხვადასხვა სფეროში შეძლებთ წარმატების მიღწევას. სიმშვიდის ენერჯია თქვენი მთავარი ძალა გახდება 2024 წელს.

ლომი (23 ივლისი - 23 აგვისტო)



ჩინურ ჰოროსკოპში დრაკონი ლომის „ტყუპისცალი“, ასე რომ, ცეცხლის ნიშნის წარმომადგენლებს დადებით მომენტებს მოუტანს. შეგიძლიათ თამამად შეასხათ ხორცი თქვენს ამბიციებს. გექნებათ კარიერული ზრდის შესაძლებლობები, წარმატების მიღწევის შანსები.

ქალწული (24 აგვისტო - 22 სექტემბერი)



კარიერაში მეტი სიმტკიცის გამოჩენა მოგიწევთ. მაგალითად, უნდა შეწყვიტოთ თქვენი ინცივითების, დანიანურების სურვილის დამალვა. ასევე გაგიჩნდებათ სურვილი, თქვენი ცოდნა გააღრმავოთ ან ახალი ცოდნა მიიღოთ. ეს პროფესიულ სარბიელზე წარმატებებს მოგიტანს. დრაკონი ხელგამშლი იქნება ფულის მხრივაც - არ გაგაკვირდეთ, თუ ფინანსები არსაიდან, მოულოდნელად გაჩნდება.

სასწორი (23 სექტემბერი - 23 ოქტომბერი)



2024 წელი სასწორებისთვის მეგობრობისა და მხარდაჭერის წელი იქნება. დრაკონი მოგცემთ საშუალებას, უფრო თავდაჯერებულად იგრძნოთ თავი და ძალას შეგმატებთ, რომ თქვენი პროექტების რეალიზაცია შეძლოთ. ვინც იაქტიურებს, დიდი ალბათობით, გაზრდის თავის შემოსავალს. დრაკონი ხომ ასევე ბარაქისა და სიოხვის სიმბოლოა. მისთვის დამსახავიათებელია მათი ნახალისება, ვინც სიმდიდრისკენ მიიღვით და არა დამუნათება.

მორიელი (24 ოქტომბერი - 22 ნოემბერი)



მორიელისა და დრაკონის ტემპერამენტი რალაციით ერთმანეთს წააგავს, ამიტომ თქვენთვის მრავალფეროვანი და დატვირთული პერიოდი იწყება, რომელიც კამპა შთაბეჭდილებებით იქნება სასესე. აუცილებელია, გაპყვეთ თქვენს ალღოსა და მისწრაფებებს, მაგრამ სიფრთხილე არ უნდა დაივიწყოთ: გზაზე შეიძლება გამოჩნდნენ ადამიანები, რომლებიც თქვენი თანხის ან იდეების მითვისებას გადაწყვეტენ. გუნდში მუშაობა მომგებიანი პერსპექტივას, მაგრამ პირადის განვითარების მანაც ფრთხილად იყავით - ყველას არ ენდოთ.

მშვილდოსანი (23 ნოემბერი - 23 დეკემბერი)



მშვილდოსანს 2024 წელს მნიშვნელოვანი ცვლილებები გელოდებთ, მაგრამ ნერვოზობა არ ღირს-ცვლილებები, ძირითადად, სასიხარულო იქნება. სასიამოვნო მოვლენები გზას გაგინათებთ. მაგრამ იმისთვის, რომ შესაძლო წარმატებები არ დააფრთხოთ, უნდა მოერიდოთ საცხოვრებლის ან სამუშაოს შეცვლას. აგვისტოში არის მოგების მიღების შანსი საქმიანი მივლინებიდან, სექტემბერსა და ოქტომბერში კი გარკვეული ფინანსური პრობლემები გელოდებთ.

თხის რქა (22 დეკემბერი - 20 იანვარი)



ზეზუნებით ბოძებული შრომისმოყვარეობა და სიჯიუტე საქმეებში პროგრესს გაიზრდებათ. თქვენი სტაბილურობა საიმედო ადამიანის რეკომენდაციას მოგიტანს. პირად ცხოვრებაში სტაბილურობა გაბატონდება. ვისაც პარტნიორი ჰყავს, ყველაფერი კარგად ავწყობა. მარტოხელები ისწავლიან საკუთარი სტატუსით ტკობას და სურვილის შემთხვევაში, რომანტიკულ ურთიერთობასაც გააბამენ.

მერწყული (21 იანვარი - 18 თებერვალი)



დრაკონის წელს მერწყულნი ყურადღებას ახალ მიზნებსა და ინტერესებზე გაამახვილებთ, რომლებიც სამუშაოს არ უკავშირდება. შესაძლოა, მოაწყობოთ ერთგვარი „გადაჭვირთვა“, რისი საბაბიც რამე არცთუ სასიამოვნო მოგვსა გახდება. თუმცა, ასეთი გამოცდის შემდეგ დრაკონი გონზე მოსვლის საშუალებას მოგცემთ და მიგიყვანთ ტრანსფორმაციამდე.

თევზები (19 თებერვალი - 20 მარტი)



მოუხედავად იმისა, რომ დრაკონი და თევზები სხვადასხვა სტიქიას მიეკუთვნებიან, წელს ნიშნის მიმართ მტაცებელი მინც კუთილგანწყობას გამოიჩენს. სარგებელს მოგიტანთ გულწრფელობა როგორც საკუთარი თავის, ისე სხვების მიმართ. თუნდაც ეს გულწრფელი სიბრძნე იყოს. თუ არ დაინწყვთ საკუთარი თავის შეცოდებას და მოვლენებს მინუსების ვაცნობიერებაში გამოიყენებთ, შეძლებთ საკუთარი პოზიციების გაძლიერებას და მდგომარეობის გაუმჯობესებას.

თქვენი სურვილების ასრულების წელი ყოფილიყოს 2024!

<p>შპს „თარჯოლა“ გამომცემელი მთავარი რედაქტორი ვალერიან გოგიაშვილი დავით კლდიაშვილი 599 92 49 75 599 91 24 14 ს ა რ ა დ ა ქ ტ ი ო კ ო ლ ე ბ ი ა რეგისტრაციის №53/5/გ-22 გამოდის თვეში ორჯერ</p>	<p>კორესპონდენტები: ნ. გამყრელიძე—555 78 08 55 ი. მარუაშვილი—0(491) 22 15 16 ჟ. ცხადაძე—558 90 82 55 მ. ცქიფურიშვილი—555 28 11 41 ელ-ფოსტა: gazetiterjola@gmail.com</p>	<p>აიწყო და დაკაბადონდა რედაქციის კომპიუტერულ ცენტრში მისამართი: ქ. თერჯოლა, კოსტავას ქუჩა №2 დაბეჭდა ქუთაისის შპს „სომელი ენ“-ის სტამბაში ქუთაისი, ჭავჭავაძის გამზ. №33</p>	<p>ჩვენი რეკვიზიტები: „ლიბერთი ბანკი“ LBRTGE22, ანგარიში GE32LB0113133960124000 ს/კ 231948872</p>
--	---	--	--